


含光詩

(下)



Digitized by the Internet Archive
in 2010 with funding from
York University Libraries

含光詩

五言律詩

秋水


以下光宣朝

秋水出芙蓉
秋江釣鯉魚
故人今不見
歲晏獨踟躕
黃葉扁舟路
青山版築居
南風吹五兩
應有數行書

不得劉讓木先生消息作詩二首時近九日矣

消息胡淹滯
遙應憶別離
他鄉重九節
南雁兩行啼
老病仍山邑
邊心況鼓鼙
愁來檢書札
猶是五年題

昔作茱萸會
登高望玉關
明朝還九日
不見皋蘭山
憶遠令人醉
何年見客還
無因慰離索
慙愧舞雩班



元夕邀從兄笙友同賦

蕭然一止賞佳節枉經行共有尊中興行看芳草生流雲
低白日微雨點春城向夕笙歌滿何由佇我情

鮑小孟丈貽書為別因荅

五湖千里地三月獨歸人後會知何處貽書損別神種桃
無舊客采藥即藏身莫訴窮通理楊花正滿茵

幽居

荒徑到人稀幽居靜可依草香緣卧席筠粉上生衣坐久
燕雙語風來花一飛祇應繡小品跂脚送斜暉

秋夜感興

階下雙桐樹騷々不肯休情人秋獨卧永夜月窺樓江漢

仍千里瓊瑤有四愁更教寒促織相喚五更頭
寒夜對月

坐愛青天迴仍看素月流霜林交散雪風簌徧吟秋迢淨
芙蓉落江寒雁鴛愁欲持千里贈斜漢更悠々

醉作示從兄笙友

握手芳筵罷相看晚思多未應嗟楚玉聊復共吳歌柳為
經霜變花知待臘和海氣今未已翻畏北鴻過

高旻寺行宮故址

故寺官河曲斜陽過客愁地猶清御設門即翠華留塵殿
鼃龜網風池菡蔴秋白頭僧已盡誰說六龍遊

聞蟬二首

鳴蟬亦微細，汝怨欲如何？樹密嘶難靜，風高曳轉多。夕陽臨古道，涼櫂去滄波。應有江鄉客，遲回憶故柯。抱葉哀何極，垂帷夢不成本。無因熱志如有愬，風情雲木清江寺。風荷近水城，幾人辭左珥。閒櫂畢浮生，雪中懷魏敬齋道人。

道人多異跡，往來余家尤善。家君及韓一旦辭去，入廬山。云山有二洞，相比一鷹子洞，已所居也。一老虎洞，則居猛虎。

道人持鐵杖，遠向匡廬峯。知卧屏風疊，雲山深幾重。洞門鄰猛虎，破衲趺長松。雪徑行蹤滅，相尋安可逢。雨後裴氏田居。

鹽漱起南軒逍遙倚華門畎畝流喧落澗泥路曲通村屋上
鳴鳩喜煙中驅犢繁荷鋤鄰父至隨意話雞豚
夜

南樹有栖烏驚飛枝上呼千門此同夢百歲本長途浩
陰陽易淒淒雨露濡高樓誰氏笛哀怨不能無
何大令邀泛湖至湖上草堂酒集值雨夜歸五首
勝侶欣相引侵晨共解舟空濛憐竹樹浩蕩忽滄洲岸闊
魚旬雨衣涼六月秋蓬窗敲最好吾欲狎沙鷗
側傍虹橋轉平看月觀回岸香新竹密幔捲亂荷開坐隱
偏宜書囊詩不厭裁更携金鑿落相醺坐莓苔
驟雨俄霑席平湖半沒煙尊移仍舊坐簟滑欲安眠白塔

看愁失銀魚釣更鮮時聞響蓑笠窗外有歸船
密坐三商緩深杯百罰宜渴嗔蝦盤覆酣顙酒船遲憂樂
心同混蒼茫醉豈知江田今苦滂盛會恐難期
雨罷湖深黑船回火獨明笛牀兼坐卧吳詠動淒清立馬
奚童待歸城宿鳥驚夜闌通夢寐依約櫂歌聲
題王伯唐兵部庚子殉難遺墨

斷紙殘煙裏縱橫血淚痕至今餘透爪何路與招魂節藉
潛郎著天留正氣尊當時朱紫客免脫幾人存

未必崑岡火連城已自焚魂孤薊門月鄉隔皖江雲馬鬣
封何晚龍沙警又聞吁嗟陳嗣祖痛殺郭叅軍

懷朱菊坪蕪湖

與子一為別秋風今又新渡江帆雜雁久客劍隨身士固
多蓬累才偏戀赤貧五湖休變姓家有白頭親
絡緯

思婦愁罷織夜蟲聲繞廊催成萬絲怨絡盡五更長冰簟
夢難夢綺疏涼又涼鴛鴦機上字辛苦不成章

聞笛

嫋嫋忽相感不知吹者誰高樓憑欲折長笛汝何知夜久
益哀怨聲中如別離回腸吾早斷任爾聲歡悲
傷朝鮮劉侍郎秉觀四首

頻年來為小行人既聞故國喪亂以憂歿於蕪湖壬
寅過揚州相與賦詩甚樂其人年三十餘墨客長者

自言家九世一品貴盛無比因及國事以微弱介於
兩大尚文物而不自振知其亡必矣詩以哀之非徒
夫人之為慟也

亡國如秋葉隨風四散飛孤臣同泛梗流浪幾時歸旅夢

秋重疊羈魂影式微漢城還路絕虛掩舊朝緋

漢城高麗都城名

搖落乾坤氣衰陵日不如已聞憂急劫況乃覆前車使節

寒江遠歸輒畫闕虛他時憐庾信誰與哭包胥

九世傳卿族當年國步平由來盛文物未足禦縱橫東帝

嗟何益南冠夢已驚艱危須策厲荏苒欲何成

把酒思前事斯人遂寂寥秋螢荒旅殯銀燭夢歸朝傷亂

詩千首浮生箇一朝竹西相送地風雨夜深潮

瀕去金陵留上馮中丞丈

幕府辛壬入輕車
癸甲歸不成供草檄
轉欲切霑衣天地
軍聲滿江山故色
微丈人非守土早
杜子林機出威鳳
門

白下吾去汝登車
意颯然相人唯墨
面閱肆盡空塵堞
霧翔驚鵲林風響
墮蟬少年吹畫角
含咲立中權

風

以下壬子後

樓高仍渴雨野曠
獨先風籟挾江山
起春明莽蒼中聚
紅香溢港折翼勢
辭空勿落憑闌帽
衰零已似翁

梁公約示陳散原
詩因次韵簡梁兼
以懷陳

四海陳夫子當年
賃廡鄰孤蹤餘鶴
化萬古失雞晨屐
響

晚相過園春花不貧白頭成避世悽對種瓜人

中秋月食二首

天上非無月人間已自驚風梧秋互語星漢夜翻明願免
潛金影饕餮掩玉城笙歌魚酒肉歡滿亞夫營
故沒青天影知依白下門若明新戰骨應斷去鄉魂烏鵲
勞三匝山河任一昏陰晴天上事愚賤敢深論

詠晚菊

綴壁鈿雲滿釘籬紫豔繁風霜纏急節天地與孤根黃綺
來秦世金張見後昆堅冰無幾日能照雪中尊

下關所寓最高樓上夜望

暗月窺愁鬢秋天近綺窗數燈緣岸市半玦繞城江警鶴

元無睡飄鷗只自雙不辭侵露立萬一寸憂降
次夜又作

天遠無消息秋空只似雲江喧恒減夢月靜肯相聞鱗瓦
銜霜纈飈車走篆文寂寥生理盡休攬鬢絲：

將近中秋而月色彌晦每夜登樓景色淒然

片月中秋近羈懷夜：殊登樓羣象在撫己一歡無霧樹

沈光暈天閣接寸鉢獅山渾不動沈轡似過吾

晚菊有經年尚花者敬次家君韵

聞有素心人生平不識春獨將霜下節來向雪中新芝草

留秦皓桃花接晉津還持比松竹相與鬥心筠

聞雁

秋空數雁聲北斗挂高城一：自燕塞飛：將遠行沅湘
勞夢寐蘭芷有衰榮已見雕梁燕連翩起北征
除夜四首

荏苒年空運冰霜歲又除蓬心愁倚薄柏葉且屠蘇貼燕
看朱戶聞雞惜漏壺飛騰真四十爛醉亦吾須

少小多奇氣中年不解醒吁嗟范孟博愁殺庾蘭成烏尾
高城柝猿腸北里箏鸛鷀裘尚在邛令一相迎

近者衣裳會傳聞自大秦珠槃天共遠黃道日將新慘淡
看元氣低回問武人江南冰雪晏留與數枝春

夜燭銷留寸深杯引似泉數星明綺閣萬類入新年去住

羞論命蹉跎眷學仙舊顏朱定改不必鏡中傳

集許蓉林齋魚呈冰庵丈二首

二疏昔歸去聲滿漢廷閒君亦拂衣返高吟長閉關丈人
臨郡地仙子牧羊山試數山陽竹春風籜幾斑
去官無舊業飽寄即為家北渚瀟湘遠青天歸雁斜故鄉
頻戰鼓春夢礙簾叉但對公榮飲真期自可誇
黃山圖為惠之從兄題

容成鍊丹日高嘯茲山中山有千萬石石生千萬松吾兄
昔茂宰雲海披心勾肯挾初平弟青天騎白龍

為蕭畏之題梁公約畫菊

百壺沽美酒憶與梁生偕醉後東籬卧毫端秋氣佳風霜
存正色天地此蕭齋衣上金陵月因之寄所懷

園夜

空園無四鄰良夜月華新風意初柔物星光欲照春朱闌
眠鶴遠班鬚獨吟頻自得幽栖味悠悠非避人
書毛元徵蜀中詩稿後

百折三巴遠孤身萬里歸莫將遊子淚灑上老萊衣海內
亂猶急江南花又飛勺湖非不好何計覓漁磯
世變成吾嬾耽禪罷作詩遭回十年別感激七歌詞把臂
驚如夢觀生各自疑亂離僧服在不必問何之

贈何駢喜二首

憐君如第五驃騎果齊名腹痛思前事肩隨忝哲兄人琴
一寂寂墓草七枯榮解慰羊何意池塘句裏情

池館雞臺近幽々圖畫閒筠廊書委宛松徑鳥絲蠻濁世
餘公子騷情續小山相期樹蘭蕙及爾尚朱顏

病中謝方外人贈墨

病客勞相憶喻麋入手新可憐蒼水使磨盡白頭人聚血
真吾願談玄尚絕倫不妨頻小啜慰此幻中身

李允卿个園集即席作

竹徑還延賞芝房始罷齋憐君呼酒數容我與時乖照水
顏驚老尋山願或諧幾時餐玉去相憶一長懷

懷陳述猷無錫

除夜兵相搏圍城客不眠昏燈喧野哭戰鼓入新年世亂
輕羈旅家貧仰俸錢平生將門子撫劒看烽煙

蔡氏園中待梁公約不至

花徑留絃管春衣拂薜蘿捲簾新月近窺戶暗香多佇想
停杯數相期把辭歌晨朝峭帆去應惜夜如何
得雨

今夕乃甘雨四方猶苦兵豈能銷伏莽姑以慰春耕密樹
傳聲急明燈照夢清朝來南浦望決漭大江平

懷梁公約毛元徵白下五首

天末涼風起江南客思深未能休戰伐況乃隔徽音白下
秋楊柳山陽舊竹林百年俱短鬢渾欲不勝簪

毛義承親日梁鴻賃廡年詩從入蜀健神想墮車全夜幕

分官燭朝廷共酒船時逢柳

翼謀李

審言談咲有新篇

大府羣公表名都六代還鄭莊初置驛楊僕更移關立馬
愁軍角搔頭對蔣山紛：金印大祗益鬚毛斑
枹鼓村：急萑苻日：聞至今憂父老何以靖飢軍膏血
枯酣戰河山窘荼勲麟臺肯槌碎四野復耕耘
戰罷江山寂時危草木秋艱難成乞活搖落倦登樓共被
平生意為儒此日休相將問公理何地可埋憂

對月

月皎高秋夜身危羣盜間沙蟲爭自擾顧兔爾能閒水鏡
分毫末霜樓立佩環日聞征戍苦應有憶刀鐐

蔡園雪中贈楊光甫

夜覺風侵枕朝遊雪滿衣穿林孤鶴靜繞席萬花飛綠酒

銷塵慮丹經杜德機因君虛白意相對益清暉
荅友人病中感懷

宇縣兵戈日江城老病身貧真吾輩事卧度落花辰慎莫
吟天問端宜養谷神君看征戰地橫草復何人

暑夜驟雨

暑坐依喬木颯然風意回數星雲表動衆葉雨聲來爽益
江湖興涼蘇戰伐哀夜蟲能靜好幽語破蒼苔

閔葆之寄所著再續疑年錄篇末毫威申林之名在焉感
賦

往士已陳跡何關來者心短書隨手錄之子用情深絳縣
論身首青山送古今篇終看二子廢讀一霜襟

涼夜感懷

林響葉颼々涼雲入院流百蟲爭向夜孤燭預迎秋入世

慙充隱關門夢遠遊蕭騷今夕思知白幾分頭

懷鄭冑青二首

言懷雁宕客復值雁來天旅泊家何在新知汝最賢青燈

寒雨夜黃浦海雲邊尚想湯休宅深宵共酒船

君欲尋東嶽飄然去不辭應携綠玉杖直上碧霞祠海日

三山影青天五字詩何峯堪卜築報我結茅茨

汪樂天先生輓詩五首

耆舊如公少姿神與道宜風塵一旅舍心貌兩嬰兒絳縣

年難識朱方化或疑消搖仙隱際本跡有誰知

老矣貧非病先生道固殊醉能書細字行不要人扶敝褐
連冬夏晨炊乍有無人閒憂樂事不到白鬚鬚

三茅耽素業託契昔忘年牀下容深拜雲鄉許共眠謝池

春夢後淮桂小山邊欲起初平石秋風意颯然

從兄繩之
從弟林願

與先生同學
道皆前沒

濠濮之間意義皇以上人丹青千古絕幽府四時春翠壑
宜招隱桃源迴隔塵羣仙何冉々畫裏預相親

故里新安郡松雲宿藹閒異鄉留八口歸路鬱千山薊子
看銅狄容成隱玉顏唯應一黃石終古在人寰

對雪

以下丁卯後

三日雨滿々春寒劇不消因風成玉戲無賴逼花朝目極

多戎壘人貧減市踰翻懷洛陽卧猶得穩簞瓢

同人於逆旅樓上集呈方地山時值戒嚴

樓角倚東風清尊衆客同詩成刁斗畔春換咲言中向老
生尤達能狂道未窮因思永嘉末人物太匆々

示何駢喜

公子栖々甚還鄉不是歸樓依羈鳥宿思入亂花飛旅食
甯堪久風塵且未稀何山留古德從爾款禪扉

寇去

寇去兵仍塞春妍物自悽茫然驚市虎悶絕似醯雞意外
花饒咲愁邊鳥故啼苟全看性命真覺賤如泥

哭梁公約五首

哭爾不能休傳聞定信不幾時逢暴客何日去昇州擾攘
昏玄象驚悲迫白頭尉羅南服滿先碎一沙鷗
人倫漢有道風味魯諸生微祿分田吏高吟謝世榮邱樊
平日思饘粥舉家清最有方回句流傳滿石城
插羽來宣歙傳烽急五湖三軍俄左次六代失名都縱使
無遺種猶應貫老儒九關橫虎豹天醉肯容呼
豐屋紛殘破嗟君只下僚歌纔聞兕虎室遽毀鷗鴉盜豈
居貧誨魂難客死招秦淮通滬瀆愁絕往來潮
昔共青溪醉解頤頻說詩今來黃浦望歿視想餘悲世亂
方無日吾生亦可知夜臺能較樂君去不須疑
夜對螢火

竹雨瀟瀟：暗孤螢閃：流因風時入幌照影忽添愁戰地
何年骨涼砧幾處樓猶應望還役相祝映刀頭

園夜

散髮掩園扉悠：此息機秋涼星稍白風細露斜飛竹響
清如語荷香淡上衣如逢挂瓢者吾與爾同歸
朱憶劬自安宜來奉簡

故國名公子塵中一散仙靜耽朱戶隱閒擁賜書眠薄俗
喧須避扁舟興所便荒籬尚黃菊肯插鬢毛邊

君尚
編髮

城東晚眺

去：東城曲川流引興長估船依岸集煙樹入冬蒼倚杖
看歸鳥回頭正夕陽吾州元信美祇惜未時康

戊辰元日

歲晏多人事，開年轉寂寥。
院梅香漠漠，池竹雨潇潇。
喪亂愁看歷，兒童泥頌椒。
牆陰百年樹，汝見太平朝。

雪霽訊蕭齋

蕭齋高卧處，闌寂似僧家。
昨夜林中雪，窗梅開幾花。
傾杯綠蟻酒，看畫玉鴉叉。
定益清吟苦，山肩聳日斜。

過西園曲水

北郭偏多水，西園亦少塵。
柳邊門舊在，亂後物還春。
正壑容吾輩，狂愚憶古人。
兔葵將燕麥，別作一番新。

纖月

意表留纖月，涼風洗乍明。
敢辭蟾影細，幸照鳳城晴。
異日

輪須滿良宵睡未成鄰家急歌吹嗟爾此時情

天末

天末故人遠北風新雁過微涼生楚簟斜月淡秋河畫簾

行收扇征衣未換羅度遼聞有信憑問近如何

蟋蟀

切々復啾々涼風月滿樓還將今夕可來聽去年秋露下

聲何怨兵消物轉愁無知羨兒女燈火鬧籬幽

聞江孝樓歿江曾宰江都

秀絕江郎筆嗟君繼祖風名成金盡後身死客愁中白下

居難問青溪恨不窮河陽莫回首花事亦飄蓬

送純上人之明州

久住空寂舍了然離世間還將一錫杖遠上四明山水月
照觀性雲林深閉關應逢支許侶談笑不知還

渡江

太息長江水東流果不還新年增白髮故物賸青山夕鳥
虹邊度甯人柳外閒眼明風物在一為破愁顏
妹夫濮紹戡作令北邊有美聲作詩奉懷君廉而不嗇故

卒章因以諷勸

憐君貴公子作吏乃多奇上馬能殺賊愛民如撫兒窮荒
驚久別佳政慰相思慎勿輕三徑絃歌及未衰

夜

風塵殊未已閤默獨含情雨罷月窺戶櫳鳴風滿城夜涼

翻少睡亂極不關兵厭殺南枝鳥喧：達五更
七月十五夜作

月朗明栖鳥風涼警百蟲不眠成夜永除閨得秋中戰哭
鬼新故途歌心異同步欄看北斗元近桂堂東
贈雁

秋色上霜臺憑高首重回乾坤百戰罷鴻雁數聲哀已惜
孤飛誤誰令六翮摧遼陽聞尚暖好住不須來

寄李允卿海上

慘淡揚州月相看失舊明魚龍驚海涸雞犬殉丹成抱膝
吾何敢浮家子竟行悠：對銅狄摩撫話平生

晚興

闌戶憐春晚
支頤倦日長
餘霞初映月
衆綠暗傳香
隔樹
栖禽定
當軒畫燭涼
短吟非刻意
隨分荅流光

四月一日翟莊林家看芍藥四首

窈窕東田外
餘春尚可尋
看花宜曉露
出郭喜微陰
野徑
斜侵麥村煙
淡著林栗留
桑下語和我
杖藜音

野綠重
合陂塘宛
斜烏捷閒繫
柳花鴨靜眠
沙農父
欣看客風鑪
喚煮茶雖非
武陵路已是
馬塍家
忽訝青皋失
平看錦罽張
露花翻百態
風辦裊微香
金帶
圍仍好雕闌
夢久忘老夫
驚豔絕簪嗅
不辭狂
風雨還無定
紅芳即漸闌
儻留千日好
須作百回看
老向
歡娛急春疑
世界寬種香
元有術悔不
作園官

初夏即事

布穀繞簷鳴輝々日照楹曉風綾扇薄初夏衿衣成戲蝶
翻階軟新筠著粉輕悵然輒抱膝南畝未躬耕

七月十四夕

節序中元近淮流昨日奔單隄諸孔決萬落幾家存慘淡
金商氣淒涼素月痕夜聲喧野哭燈裏颭新魂
輓蕭畏之

生平已蕭瑟況與夜臺期白社失真隱青山埋好詩畫廚
塵卷在苴杖幼孫隨最合銘貞曜為雲孰退之

病起行園

園趣久不涉今朝風物新雨晴花在地春動柳依人善病

頻疏酒關門自習貧江南猶戰鼓愁殺杖藜身
別孫思昉

朝野然疑際兵戈震蕩中君來定有日世變益何窮花好
憐春去年衰戀道同莫辭今日酒及為故人空

壬申除夜

柏葉金鑪暖梅花綺戶妍杯中消舊歲雪罷得新年
龍吟嬾巢安燕意圓呼童秉明燭鏡裏看華顛

卧起

簾靜堅垂押鑪深細裊香嬾能依老至卧得遣春長把櫺
花風度披衣竹日光人來話蠻觸一咲了興亡

曉

遙鐘將斷角蕭瑟一城秋殘夢驚推枕斜河尚隱樓嚴關
人啓鑰昨夜壑移舟浮世朝：爾誰能不白頭

對菊

四方猶畫角故里且黃花暗嗅微香立愁吟白日斜豺狼
驕塞路鴻雁泣無家子細看繁蕊吾生未有涯

歸夢

歷亂勞歸夢閒關念久離風知來塞北月漸度樓西老病
煎麟角芳春勸馬蹄中宵先自舞決定有鳴雞

贈張冠丹

久欲飄然去今驚脫屣能世猶爭腐鼠天豈恣青蠅烏撒
峯巖峻哀牢霧雨蒸艱難思往事贏得夢如冰

春日有感

了、看魑魅悠、託虎蛇掩關完隱忍開卷得吁嗟舊好
深期燕新紅飽釀花肯辭春有暮長顚醉為家

湖心寺

招提深柳外繫艇及斜曛驟雨因風落輕雷映日聞院涼
孤磬發衣淨亂荷薰木末亭疑畫歸飛數鳥羣

飲酒樓最高處

羣木經霜直寒空欲雪沈豈能違世態聊與盍朋簪城郭
侵愁眼闌干拓酒襟百年吾幾醉贏得白頭深

贈張羽屏

孤鶴頻南北栖遊豈一林那堪徐孺榻半入雍門琴握手

年俱晚當歌醉不任大江千里雪照爾著書心

八月十三夜月

倚杖獨登臺蒼涼晚色開一輪超滿近萬感逐秋來瀆從
龍移窟家亡雁告哀預愁丹桂影欲傍水雲栽

十四夜月

惝恍憑誰語幽憂只自憐天如哀晚暮月為恣嬋娟碧落
無聲近佳期刻意圓靈娥知有藥一與換華顛

十五日風雨中夜得月

狼籍風穿戶蕭騷雨滿城窮途無好遇佳節得愁生一夢
三更覺中宵萬里晴老夫猶見汝意外亟霑纓

十六夜月

城靜收魚鑰。天空涌兔輪。只如前夕影，還照萬家貧。草露
霑疑淚，階蛩迫似人。少年飛蓋賞，回首夢無因。

十七夜月

皓魄朝來減。浮雲故、多不成完。破鏡況乃覆纖羅，星使
方臨蜀冰夷。日瀉河天機，寄蟾兔搔首欲如何。

含光詩

七言律詩

昔昔鹽效楊升庵

以下光宣朝

新月高：近璫筵明河渺：向遙天機中織錦秦川女臺
上啼烏蜀國絃翠帳移燈經一咲玉關飛鏡別三年魂銷
海燕雙栖日夢斷鳴雞五夜前

盧龍

盧龍塞外陣雲悲鴨綠江前瘴霧低廢壘無人昏劍戟高
秋何處擊鯨鯢北風浩：陰機發大漠蕭：戰骨齊為問
征東諸將帥可能天險固山溪

寄懷從兄竹孫江陰

千門落木共寒砧一雁南牽歲暮心
欲雪江聲超海壯破寒山色入雲陰
懷人蘭澤多芳草小別悲風滿竹林
司馬梁園聞卧病洪喬書札豈應沈

祝丈自廣德來留十日明春將赴調舒城

征南幕府各天涯重見江城鬢有華
十日偶為蘋葉聚殘宵同惜雁行斜
歸浮桐汭千峯雪到及河陽二月花
若見龍舒諸父老為言來過使君家

題朝鮮池文光山水

素壁蕭森風叩鐸畫圖瞥見兩煙鬟
依然鴨綠清江水絕似銅駝洛陌山
故國衣冠空紙上仙源峯壑自人間
南朝

開府如相見一詠屏風血淚斑

寄族兄琴舟安宜

霜天搖落感離居況爾文園病起初
白板扉開秋色晚黑貂裘典酒情疏
風塵荏染容高枕歲月艱危強著書
北雁風高南菊豔江湖搔首意何如

白馬湖邊風雨秋美人瑤札慰離憂
夢回廣樂真陳跡花盡玄都感昨遊
文字豈應憎命達浮雲終自使人愁
水仙一曲扁舟遠何日相從訪十洲

秋末感懷呈諸同志

寒波歸壑逝無聲落葉辭枝別有情
秋老百蟲爭窟穴天高一雁自飛鳴
酒杯未足論賢聖書字纔能記姓名
真擬

買鞍西市去，鞞刀怕首學長征。

行西郊墟墓間，有感。

山作平原海化塵，誰是百年身。九京是處增新鬼，一
啖纔踈便古人。隨分黃墟無貴賤，多情碧草自秋春。令威
苦說求仙好，果獲仙還更愴神。

急風渡江中，流波浪惶駭。落帆登金山，絕頂作

定息。初收百慮危，憑高神色尚迷離。玉京舉手無三尺仙
骨，御風輕一絲。下界魚龍驚幻影，太虛鸞鶴詫前期。鰕生
自信鴻毛薄，贏得山靈許好奇。

從史繩之中丞丈，弢園飲座中賦呈二首。

中丞池館靜朱扉，十五從軍五十歸。銅鼓風煙開絕徼，玉

關花柳照戎衣壺中得地容高枕夢裏寧旗想斫圍春鳥
滿園呼勸酒陰符在手已忘機
圖書如海酒如澠物外風期見未曾綺閣花穠春奏伎竹
窗碁冷夜留僧五湖煙水船歸蠡萬里雲霄辟脫鷹富貴
神仙知兩得從公終入白雲層
春興

拋擲流光付曉鶯又摩雙眼看新晴春風浩々移今古綠
樹陰々到長成地迴樓高仍被酒日斜天遠更聞箏人生
哀樂如春草擲向情田捻怒生

夜雨有懷都中諸友

忽々歡場共嘯歌別懷容易似驚波空聽夜雨銷紅燭絕

少良書慰綠蘿繭足黃塵珠桂急委裘新政見聞多十年
雲壑知同老較博匡牀一醉哦

先母夫人手製筆囊

幾斷機絲不自知絳鞶長挂近書帷手中慈母曾縫線囊
底毛生舊處錐霧豹文章宜隱俗九熊心事要深思夜燈
鈎鉤聲猶在合眼阡松綠萬枝

漢口江岸曉發

殘夢騰々走大隄嚴裝初不待鳴雞千疊畫閣收帆影萬
穀晴霆疊馬蹄水陸天將貫南北蘋蓬吾亦任東西此邦
解佩多遊女十日蘭襟得徧題

京師題倡家壁

紫陌羊車徹夜填香塵扶路落金鈿燕脂北地踰千拍黃
屋西還近十年短袖無風供起舞長歌欲誦恐驚天琵琶
撥盡無愁曲祇是愁人倍惘然

用義山隋師東韻詠金陵近事

以下壬子後

幕府山高控紫金風雲猶想老成心初聞石勒輕王衍終
見孫郎走華歆辟折羊公方緩帶脣吹虎旅旋如林風沙
莽：明妃曲恩怨何因論淺深

感金陵近事五首

兩月南畿亂未平遺黎歌哭望神兵山川戰久收精氣草
木風來挾死聲豈謂鯨鯢逃巨網翻勞麋鹿走空城韋郎
舊句人今憶一片傷心畫不成

繡閣雕甍豈舊榭青蕪白骨只空廬堂前燕入驚人換釜
底魚遊有夢全環佩琵琶何處月圖書雞犬幾家船蓬山
宮闕何嘗遠一出金陵便是仙

蕩：荒城赤日乾三軍歡喜萬人酸通衢健馬馱金帛戰
地飢鶯啄肺肝山色漸隨元氣死江流長帶哭聲寒憑誰
細寫逃亡屋留與銘功石並看

一卧瓜時百事新秦淮無柳可搖春驚聞鬼錄增新戶但
保生年有幾人華表夜歸逢語鶴玉書筆絕為傷麟秋風
任取吹霜髮仗馬無言愧此身

財賦東南第一州龍蟠虎踞幾春秋武功文治無雙勝天
意人心似互讎屠蜀未聞劉尚譴平吳翻軼巨源憂亡羊

見犬非今日誰為中朝借箸籌

桂葉

桂葉蕭蕭掩畫樓雲裾重踏雁沙遊
青天豈有姮娥悔赤水虛勞象罔求
斷麝飄零沈夢語亂鴻嘹唳助離憂
三年喫共珠簾影一夕清輝併白頭

和楊千里無題

芳魂南國久相招誤擬仙輶近采橋
厖數鶯花皆隔世強搯風露立中宵
珠迎夜魄先含淚柳避春樓恐妬鵲
鳳侶秦臺應信否一生清冷伴瓊簫

未同

未同王粲適荆蠻長似任公把釣竿
鯨海風煙飛急羽鳳

巢簾幕隔新寒春陰不定花爭發遠夢初回淚未乾一折
細梅談往恨去年今日在長安
次趙吳夫人韵余姪人從夫人受學

舊家文字繼班揚趙壁連城未許償詠絮一門矜阿大寫
書十吏嗣中郎早尋蠻素供詩料晚愛琴書伴酒狂肯授
衛夫人筆陣定知換骨有神方

敬次家君韵贈僧印善善嘗從張定武遊於徐州二首
生天靈運敢居前已是閻浮七十年劫後昆池窺黑土愁
來灞岸撫銅仙孤雲半世隨雙屐一衲三時了萬緣若叩
此心何所住醉鄉春色正無邊

元戎幕下水雲僧記謁征南感不勝並轡霜臺秋戲馬列

營牛酒夜懸燈英雄去後青山在瓶鉢歸時白髮增我亦
球場看結束交流汴泗冷如冰

弔陳心來

欽寄厯落汝誰令婚宦雙忘意自冥奉佛儒衣裁貝葉吟
詩破屋映流螢千家緗素先人筆七尺蒼茫厚夜扁腹痛
過車諸友在隻雞應為下精靈

哭劉申叔

蟠勾元自燭星辰下筆猶應泣鬼神一瞑幸酬盈篋謗廿
年空敝有涯身青山未隱真無福玉樹雖埋故絕塵回首
玄亭無哭處寢門風義暗霑巾

和人詠紅白交枝桃花

施旦相携並浣紗
尹邢當面鬥風華
仙源正色非脂粉
午院晴風半雪霞
紫燕定應來共宿
黃蜂可得更分衙
人生兩美真難合
早辦流蘇七寶車

荅張雲門都中

柳邊高閣對西山
閱盡青蛾與玉顏
罷戲魚龍如夢裏
求仙雞犬滿人間
長安再到浮雲在
廢寺尋花竟日閒
收拾風光憑比興
錦囊新句不須刪

庚申中秋

石罅風香散桂叢
流雲剛吐畫簾東
誰家令節從容過
不盡清暉遠近同
燕趙千城無吠犬
星河八月遶哀鴻
寒蟾老兔知何物
照徹浮生似夢中

登摘星寺

風光高下滿禪關
綠野晴空散客顏
三折江明煙靄外
數峯青見畫圖閒
春原花底耕人飽
法鼓林端夕鳥還
楚客只工傷極目
一龕應羨老僧閒

黃季剛遊揚州別七年矣相見感喟不已次其湖心寺韻

木葉蕭蕭感逝川
顛毛種種各中年
詩書已落秦灰後
生死終依繡佛前
絳帳故人今宿草
青溪舊屋但荒煙
憐君最富悲秋意
試下巫陽與問天

從兄笙友自秦州暫還因贈

憐君久拓金門戟
却逐輕車度隴來
邊角催人雙鬢換
春風伴客一時回
蘋蓬去住天難問
宇縣兵戈塞不開
杜甫

西枝村在否為余立馬訊荒苔

朱憶劬自寶應寄春園即事詩索和次韵

戰蟻紛然落古槐人閒猶有舊池臺書聲東塾琅玕出畫

本西園宛：開三徑羊求期我至一行雁字帶詩來知君

久矢槃阿樂敲韵風廊日幾回

過徐園追懷寶山上將

池館陰：竹拂天遊人於此感徂川空聞部曲登壇貴絕

憶居民按堵年宇內烽煙無福地尊前揖客已華顛靈風

自滿將軍樹敢說英雄例偶然

南郊謁墓歸車上作

薄笨輕車帶夕暉春郊景物畫猶稀吳牛角畔遙山出謝

豹聲中晚絮飛塵亂花香侵酒榼遲回塔影上人衣村童
相見年々慣共拍龐公上冢歸

寄毛元徵都城

儒生真與世相違蜀道艱難萬里歸淚盡巴童竹枝唱身
裁楚客芰荷衣淮陰高卧思枚舫洛下何人識陸機見說
京華塵似火健兒驕馬不勝肥

寄贈柯燕舲時作尹東昌

妙年鄉國出褰帷儒雅風流已冠時名繼丹丘書博士家
傳青史畏吾兒行春細馬經桑土卧閣濃花映墨池聊攝
向來多古跡因君隨處訪遺碑

園中晚興

黃鳥飛：白紵輕園林暇日喜經行歸雲雨傍斜陽度深
樹花兼綠葉明雲壑十年堪送老關河百戰未休兵挂歌
豈待箕山去只遣逃名莫近名
張應侯信陽書來道兵閒危殆念歸不得其尊人鐵崖先
生與文恪公遊晚居幕府
中原八口久流離裹耳車令聽鼓鼙五步伏尸驚血濺三
更鬼馬向人嘶閒關尺素通魚腹蕭索歸裝待裹蹄我憶
兒時君壯日戟門花下侍扶藜

題許石孫詩稿

沅湘春草綠如煙故國名家兩黥然作宦早能辭要路

江官

甯時上官嘗有所仕
君君憚炎熱不肯受
將詩直欲問青天
令威華表歸來鶴

杜老西川再拜鵲寸簡蠹痕千血淚童孫勤為護書種
谷林堂壁上見三年前與黃季剛同遊題字感賦時武昌
被圍念黃蹤跡

江漢黍煙日、驚山堂秋寂此經行蒼苔院冷如前度黃
鶴樓高入戰聲騷客定應浮夏首先生豈尚住圍城壞牆
雨溼三年字觸忤愁心一倍生

東

丈

鱣堂咫尺近園扉夏木陰、對息機世亂轉嗟貧士少詩
成同索解人稀秋心粟里親黃菊舊夢嵩雲踏翠微古洞
神霄今在否平生歐九最相依

傷何芷艤

望斷雲濤竟渺然布帆書不到桓玄真成東海騎鯨客無
復滄江貫月船婪尾杯盤思昨事悲歌燕趙滿尊前英風
豪氣還如在肯信成連是水仙

懷純安禪師京師

將禮五臺入都東諸侯有重之者延居軍幕

身世浮雲兩自由啖持瓶鉢對兜鍪也應支遁憐神駿豈
但圖澄狎海鷗鐵騎千羣宵擐甲青燈一衲雪盈頭文殊
有約懸相待五頂春來是勝遊

簡嚴覺之

楓林寒雨雁聲悲十載江南數別期仕隱相看俱向老亂
離所得是工詩圍城兄弟看雲隔故里松楸復土遲且傍

揚州買明月夢中秦樹不堪思

有感以下丁卯後

烈：南風滿石頭蕭：班馬下揚州可能江表無孫策誰
信鍾山屬蔣侯百縣聞風齊解甲三軍擗指啖爭舟憑君
莫續英雄記看取逃亡血淚流

效唐人宮人入道之作

身著黃絕別御筵赤城霞氣碧城煙心經弱水三千里夢
冷阿房卅六年掌上賈輕宜跨鶴步虛聲靜啖哀蟬樹宮
柘館俱黃土爭似瑤臺作散仙

某甲僧居俗日嘗學兵法於日本與南北三帥者為先後
同學慨世亂不息因贈以詩

出處平生孰是非眼前三傑一緇衣東尋倉海求兵法西
啖靈山契佛機秦鹿中原猶競逐楚騅垓下揔安歸憑師
細說無生話一使人天戰血稀

韓二十時徐孝竹先生穆年已八十甚愛韓嘗以梁山舟
書相予作詩為謝今但憶張先兩句傷耆舊不可復見
因足成之

忘年早歲託情親真向今人見古人拄杖過眉稱隱士行
歌帶索是天民張先老去詩仍健梁鵠書傳筆有神待向
商顏問耆舊紫芝無地可逃秦

初秋夜作

蓮心花簟思悠悠卧看明河近玉樓紈扇光陰收畫匣綠

窗燈火漸涼秋風前遠笛參差起露下飛螢自在流咫尺江南斷消息蘭成賦罷不勝愁


太半年來呂尚書海寰康京卿有為馮中丞照趙尚書爾巽相繼薨逝若呂之德行康之文學趙之政事皆有絕人者而馮兼之矣其於家君呂師門趙通家馮姍戚康晚年同志也因數阮亭江東人物之詠以識慨仰光宣人物漸凋疏諸老耄教返碧虛天半朱霞馮節度凶中武庫趙尚書東萊名德圭無玷南海聲華錦不如披髮大荒無下日龍門回首渺愁予前詩既成復有所感

亂來耆舊比南金沙社商顏幾處尋樊山鄭太操持各夷

惠朱彊村陳散原哀怨滿山林陽春白雪人誰和碧海黃塵陸

又沈我愧柴桑籬下菊一枝猶欲敵秋砧

和



丈過兩淮鹽運使廨前之作

題襟高館敞清虛猶是承平節使餘化鶴重歸舊城郭算
緡全破好家居陶朱已悔扁舟晚桑孔真憐作計疏欲向
春風問眉樣章臺回首意何如今運使故嘗尹京兆

和人詠蘆花

作花都不是花辰白浪荒江誤好春朔雁幾時來弄影楚
楓相對共傷神風波鬢晚絲絲雪身世心灰寸寸薪好語
衣工休製襴等閒寒盡數州人

過郭林瑛北郭故居

羊求三徑宛前期拄杖敲門意自悲高樹西風人去後虛
堂斜日鵬來時一官烽火牽衰鬚數卷圖書付好兒眼底
斷橋兼卧柳蕭條真入杜陵詩

一歲間王君國維辜君鴻銘先後歿於京師感而弔之非
獨夫人之為慟也

風霜搖落士林驚再歲頻亡魯兩生死傍宸居容北拱夢
持丹漆早南行兵戈漸逼傷麟野去就應齊賦鵬情帝遣
下招還有意免教殘骨付秦阬

四月一日作

荼蘼花盡絮飄稀簾外鳴鳩拂羽飛日最向人愁處永春
還及我病時歸相憐河上誰同侶避世燕南已合圍賸號

田居堪自了竟容何地剪茅衣

感事

聲華長與禍相期誰向平時料亂時懷辟竟成今日罪閑
門應悔十年遲風林豈有安巢鳥濁水空憐曳尾龜一局
殘碁書數卷野人飯飽正吟詩

劉龍慧嘗詠復成橋衰柳有江南搖落誰能賦秋柳黃於
新柳時之句時人傳誦後二十年毛元徵再遊白下感
其事為長歌一篇甚淒婉時劉歿踰歲矣韡復作此繼
元徵詩後又不獨為劉慨也

嫋々西風吹石頭數株猶占舊風流金城客到難禁涕玉
笛聲催易得愁六代光陰如過鳥故人才筆記吟秋傷心

二十年前意肯信新亭對楚囚

劉采臣再遊揚州奉簡

萍蓬蹤跡竟何如江北江南少定居
帆落瓜洲逢早雁夢回胥浦憶鱸魚
楚筵辭醴先機在蕃榻生塵往事踈
猶有多情舊明月竹梧深照夜窗虛

和周穀人詠紅梅

吟殘海月挂珊瑚臘近園林興不孤
數點暗傳春意思一枝能破雪糝糊
朱霞天半高寒在宰相山中富貴殊
萼綠華間相妬否丹砂浪擲任麻姑

寄毛元徵京口

三巴萬里下歸船白首飢驅轉自憐
旅食厭看京口樹窮

途羞論魯褒錢身從憂患知時命人向兵戈了歲年一曲
勺湖煙月地海鷗閒占水風眠

春陰有寄

三歲音書斷錦鱗小樓檠燭坐通晨縣：遠道難為夢惻
惻春寒最中人畫裏江城昏似墨望中林雨白如銀今年
或有歸來燕暗整香巢拂舊塵

積雨寫悶

閒愁隨雨日紛紛雨脚愁心雨不分紅燭淚乾渾少睡綠
蕉窗靜最多聞花時鄧尉香如海天半栖霞翠拂雲何日
晴泥容屐齒一節真入鹿麋羣

無題五首

依然冶葉與倡條
楊柳風前白下潮
作賦襄王元是夢
數錢姪女為誰驕
青溪有恨祠三妹
銅雀無言待二喬
聽唱後庭花一曲
隔江殘笛雨瀟瀟
從來鷓鴣是雙身
對影聞聲意暗親
右相丹青元絕世
小憐玉體更橫陳
南歸汾水逢秋雁
西望秦雲似美人
共道春來多樂事
簫錢鬥草一時新

記曾梳子詠同心
苦道恩深怨亦深
柳宿占星人姓白
仙家拍樹李成陰
春濃珠海花如雪
草綠鸚洲淚滿襟
記賜華清湯第一
三郎往事太蕭森

吳歛趙瑟響淒迷
兩處靈心一點犀
烏鰂簽盟藏枕畔
黃鶯催夢向遼西
張騫槎信何年到
孫壽眉痕竟日啼
怨殺

漢時關外月回文深誤竇家妻

幾問歸期未有期江湖中酒鬢成絲重圓桂魄須吳質試
撥檀槽待段師夢雨巫山還悄：貯嬌金屋太遲：春風
染遍蘼蕪色擬裂新縑寄故知

三月三日作

垂楊門巷曉沈：隱几關門聽轉禽階草綠痕經雨活海
棠紅意隔簾深蠻箋襲疊傷春句阜帽低回閱世心喚起
蘭成北朝客早拈采筆賦華林

劉伯遠自遼東過訪即贈其行

舊雨湮沈髮日華相逢喜極更驚嗟來從塞北稱賓雁到
及江南餞落花過水飛星無定影照人明月寄鄰家相看

尚有聊城箭待試臨風白羽斜

端午日北城外遊人極盛

風吹笑語出重城鷁舫羊車隊：行殿亂人知歡舊節解

顏天亦放新晴橋邊魚為衣香聚柳外鶯隨酒客鳴問取

錦標誰奪得中原龍戰正縱橫

感事

流星羽檄動諸方萬里連雲戰格長甲冑早應生蟣蝨

髀真為抵珠璫

見宋書索虜傳

笙歌池館千家月雞犬村墟十畝

桑誰信昇平雙眼在白頭留遣閱興亡

寄曹鷺子

宇縣風塵塞不開廿年離合事堪哀如絲白髮經春滿似

草青袍憶舊裁維嶺夢回聞鶴語吳淞秋早薦鱸顯毛生
寥落丁儀死相對何因數舉杯

憶大明湖

明湖蕭瑟近如何少日朱顏記醉歌紅藕花殘遊客盡青
蘆葉亂晚蟬多三周已賸華不注百戰空聞曳落河休照
濯纓亭下水但悲衰鬢亦滂沱

軍書

軍書午夜報當關十乘元戎尚未還戰蟻侯王銷一夢拚
鼇宮闕失三山珠槃捧處渾無定格矢飛來太等閒四海
將清六王畢阿房留賦不須刪

彭剛直公畫梅

公有詩云十萬犀軍齊奏凱彭郎奪得小姑回最得意事也晚築退省庵於西湖徧種梅樹

石鐘山下記維舟月白江寒萬象秋大將鼓旗如昨日小姑眉黛塵中流明窗看畫頭今白霜榦橫空力尚道何處舊庵尋退省一林香雪使人愁

秋感

金風一夕動荷衣悵望涼天百慮違汾水秋鴻無日至洞庭木葉再三飛江鷗避影仍防弋戰馬矜瘡不受鞿畫角聲邊搔白首八荒何地穩山薇

和

丈老驥

鳳臆龍身慘淡餘荒原落日意踟躕燕昭恐在須留骨伯

樂如逢且泣余憶寫丹青開御榻曾陪赭白備鑾輿摧積
奪盡昇平夢默願他生付鼓車

贈

秦淮交臂鬢俱玄賀監劉伶共酒船小劫光陰如逝水殘
秋風物又今年五湖蝦菜浮家後十載鴻泥戰鼓邊莫厭
從容疏嘯詠將詩猶可數人傳

閔葆之燕中書來苦欲南還而余數有卜居故都之志寄

此申意

書來聞子憶鱸魚欲慰離羣意轉疏亂世縱歸還似客故
鄉雖在未能居樵柯爛盡慵觀弈人海藏深好著書我戀
舊都思卜築酒徒凋散竟何如

枕上作

幾問天明苦未明夢痕香篆兩回紫雁銜海月飄零雞
感霜風次第鳴黑髮向來疑可再金丹到此信無成東
幸有閒田地泥水還堪蔽一生

去歲劉伯遠自遼左來訪余贈以詩有到及江南錢落花
之句今復一歲春事依然感次前韵

江山依舊發鮮華客思今年倍可嗟似魔如醒春後夢將
開更落雨中花黃鸝款戶頻三請紫燕爭泥豈一家待向
江南折楊柳不堪楊柳太天斜

同鹽山將軍天甯寺集贈其記室孫思昉

長松雙樹竹千頭淨擷山蔬助酒籌開士精廬太瀟灑元

戎小隊許淹留謝公去日存遺愛詩即謝宅白傳來時想大

裘管記風流過杜牧可容重見古揚州

荅周惺庵時方聞李審言丈之赴

昭文歛手不鼓琴濠上乃許知魚心留連十日語侵夜臭

味異苔同一岑鵬鳥似鴉何故集驅驅失望憂見侵念子

綠陰讀書好回首寢門西日沈

對殘荷

粉墜紅消即漸稀驚心南國事全非西風韞子連宵決夜

月蓮歌幾處歸玉女峯前船是藕江魚腹裏芟為衣一枝

留取花中韻權與飢鴻減浪飛

辛未除夕兼值立春

金花采勝為誰新回首高堂鞠脰身故國衣冠尊祭酒聞

門簫鼓鬧鞭春

往年縣令迎春歸輒以簫鼓致土牛於先君尊遺老也

孤兒閱世頭

如雪夜壑移舟跡又陳強折寒梅作除夕一枝肯與慰霜

巾

問月橋旁有李園廢久矣春晚偶過之橋額二字先君

十年前書也

菜花黃過古陵陂三尺殯垣數掩籬細草春香迎不借古

松風起作之而青帘何處招吾醉烏帽微溫與病宜柳外

一橋橫問月銀鈎頓觸十年悲

九日登安江城樓

百感茫茫不自由斷雲高樹接離憂天懸遠左猶來雁人

老江南獨倚樓世事無還如落日生年所得是悲秋兵戈
蝕盡茱萸會歸對籬螢語暮愁

酬劉雲生

蓬戶朱門一轉輪孤兒伏枕鼻酸辛驚從四海干戈後得
見先君倡和人東閣綺筵花映雪西湖歌舫柳圍春淮
南往事皆詩料愛惜憑公與細陳

感朱影梅事

影梅名真作畫天然秀逸嘗客沈仲復中丞所一日
中丞得暉正妹畫甚喜以夸客朱大咲曰僕贗作也
援筆立作一軸與沈所購不別沈大怒明日謝客去
竟佯條以終

征南幕府月虹明珠履風流座盡傾
染紙竟教迷穎士僻書終是誤飛卿
尊空楚醴歌驪急畫掩桓廚任蠹生
今古遭逢元一概似龍仗馬最縱橫
冬日城南偶步鏡波明到女牆邊
茸帽貂裘野步便負重牛驢爭約過
弄晴驚鴨得春先預思荷芰香如海
閒櫂簪酒滿船醉樣柳根看月上北
城應遜此清妍

春殘

人間無處著芳菲不為春殘意自違
花院厭聞蜂旁午風簾疑有燕歸飛
棋因久戀多成劫帶為能餘任減圍
莫向巫陽詢掌夢此身蕉鹿久忘機

早歲

孫思昉見湘綺日記有過訪先君見其二子延韓

甫二十所作已斐然成章之語書記其事感賦此篇

早歲英豪許獻酬忽徵往事動新愁誰從庭樹婆娑日更
記神駒蹴踏秋一代班楊才冠古百年文武水東流衰窮
并隔鈞天夢豈但雕蟲覆瓿休

詣樊遜園值其卧病因徧涉園徑而還

五馬門東踏夕陽望衡煙樹鬱蒼々非關屬疾門元掩便

不相逢興亦長枸杞澆迎仙客咲芙蓉猶妬美人粧憑君

問取張夫子

龍淵張潛恍
慨奇士工醫

肯出安心藥共嘗

負曝

別王陶民後戲寄

元卿三徑啓高齋
縱酒題襟日
皆天勒輕寒
留客住老
貪行樂喜君偕
爭前花影看
揮筆淺笑蘭
心感坐懷別去
珠湖休久戀
有人燈下卜金釵

無題

第二泉邊草不春
湘波猶帶淚痕新
流黃自欲迎中婦
織素何嘗棄故人
鳳紙偷裁鈴蜜印
鸞車夜駕走飈輪
卿定值如泥醉那為齋時却犯嗔

李氏廢園看牡丹
花何夢感李墻也
園今為比丘尼所居
連辟何郎舊共車
秦樓鄭谷到來嗟
故朽骨今為土野
客驚心更對花
作序孝標悲悍室
布金須達屬僧家
當前便是華嚴劫
那獨傷春為物華

寄尹石公京口

神皋久住滂軀離
曠藥應門兩未携
春雁有情還鄉北大
江何日肯重西殺
青書待霜盈鬢舉
白寒須酒到臍
文苑

近開當省署得嫌笳吹惱幽栖

次韵尹石公至日

每吟至日長為客最信詩人慣別家夢裏車聲燕市月酒
邊春色鶴林花頻煩尺素雙魚怪想望來帆一雁斜添綠
那關吾輩事直須浮白遣無涯

曉起

銀盤猶篆夜來香森束寒枝宿鳥翔樓角朝霞初映日瓦
溝殘雪鎮疑霜筆如牛弩今仍健思入鶯花老更狂不為
梅邊訪消息散人何苦倒衣裳

乙亥正月十二日蔣張二子治具為余作五十七生日即

席賦

先生端已悟無生生日壺觴喜見迎花尚如人前度面酒
能還我少年情朱門湯餅追陳跡白玉春盤夢舊京賸有
霜髯容健在小蘋火急為調箏

二月二日泛湖用義山二月二日江上晴韵

二月二日湖上晴黃鸝喚客如調笙新萼柔似女兒手春
水暖於遊子情一櫂觥船須徃醉百年石火更多營蘭橈
為就紅橋住要領衣香聽屨聲

看牡丹歸得尹石公寄詩次韵

東風不肯成花事轉向芳叢作雨聲敢惜油衣須製瓦坐
霑霜鬢為傾城故人書至情先喜北府山多句每清欲折
殘紅寄相憶一江雪浪似魚烹

無題

密誓重：字未磨三年醉與睡相和當筵鏤月交歌扇破
夢驚雷撼幕羅裙帶幾時飛蟾子金籠長自鎖鸚哥人生
別有啼魚哭只許桓伊喚奈何

無題

離騷終古是離憂回首垂楊舊畫樓已斷吹簫迎采鳳更
因贈石誤牽牛星辰昨夜憑人說風雨中宵任意秋輸與
韓馮為蛺蝶別枝春色未堪留

菊 人貧物賤交相敝今歲菊一株僅直百錢而買者益

稀焉

店舍蕭：車馬稀俊遊誰復載花歸深黃豔紫滂盈眼飛

藿斷蓬同式微高節一錢今不直窮檐九月正無衣老夫
乞得殘莖在忍淚西風未敢揮

端忠愍之女公子陶默庵以善歌來遊江南諸公贈詩僕
亦繼作


西州痛哭不知年忽湧鸞音下紫煙身比丁威餘化鶴淚
乾蜀魄伴啼鵑新聲故國三千里往事哀絲五十絃蔡女
胡笳盧女曲南朝子夜莫同傳

贈洪澤存兼簡令弟棣丞

九牧聲名卅載強倦遊纔點鬢邊霜燕臺故事三千牘閩
海新紅十八娘幽薊黍消鈴挂角江湖秋晚雁聯行論詩
恐覆機雲詠只合從公累百觴

輓戴筑公

青雲年少日飛騰一老婆娑靜似僧晚節尚勞超講肆丈
人元自厲清冰塵揚東海今何日淚盡西河痛豈勝三寸
桐棺諸慮了但宜歡喜不宜憎



含光詩

五言長律

暑夜獨坐 以下光宣朝

詎有塵中賞而無暑意侵紛吾逢晏坐聊得慙幽心展席
明河影開窗積翠陰夜螢風自動鄰竹露何深興以煙中
嘯了然花際琴玄蹤思注易妙悟感弥襟物外誰余契名
山想自今雲閒有仙鶴願一託遺音

題唐土名勝圖

日本人所繪一卷為禁城二卷為郊坰範圍而禮器
法物鹵簿附焉下四卷為順直所屬山水其書蓋作

於純皇御宇之年頗拉襍不足觀又似非完帙而畫
絕工妙感成三十四韻時庚子秋也

世祖龍興日幽都紫氣蟠止戈初厭武度邑即封巒風雨
羣方會車書萬國攢海隅歸甸服月媚比王官遂有東瀛
客遙懷內向歡論都同杜薦作繪擬胡寬宙合甯容賦丹
青自不刊方輿開一角聚米鬱千盤豁開金城雉騫騰紫
禁鸞蒼龍䟽秘殿鐵鳳立飛藥鐘響通長樂花明入上蘭
銅鋪光燁煜珍木影琅玕法物諸司掌威儀後代看繡絳
團藻火圭邱簇躬璫簫鼓臨雍樂苴茅祭帝壇鑾回風習
習凱振旅嘽々旁極郊垌闊尤知下筆難黃圖三輔盡赤
縣百城殫西峙山橫晉東環水抱灤崩沙埋碣石濁浪走

桑軋疊嶺捎雲翠陽峯射日丹鄉亭時隱、梵宇想珊、
風景元如昨鐘鏞或恐殘秦宮燒炬火漢殿響哀湍玉沼
沈雲黑銅仙泣露寒雲臺誰問仗冰井絕無榦箕尾星交
鬥旄頭燄孰彈村、竄狐兔處、嘯狼獾憶昔逢全盛於
時足控搏東夷通貢職北面受衣冠帝里辰俱拱洪規石
共磐開函紛綺錯揮涕失辛酸陵邑猶葱蔚山河豈敝剝
周宣能考室終見賦斯干

春夜

促節前溪舞危絃子夜吟三春隨漏短萬籟逐宵沈榻冷
衾銷翠燈殘粟墜金歡娛愁昔誤怡悵自今深到海從為
水栽桑任作林院花風落雪池柳霧成陰取酒琉璃盃搔

頭瑤簪夢難尋失鹿書欲斷來禽代馬何年角靈犀永
夕心誰能將白髮長此對離襟

代客贈施守脩施與客皆寶應陶家林人積功至荊州衛

守脩嘗出塞

以下壬子後

栗里何年地桃源別有天為鄰從少小攬鬚各蒼然契闊
風塵久義娥歲月遷釣遊前日事蹤影異時圓早負青雲
器高吟寶劍篇學書輕武庫飛矢志蠻疆轉戰身無敵窮
荒望絕煙駝馳千里足馬落五花錢度漠丁年記論功甲
首傳班超還入塞充國已屯田種秫嗟無計飄蓬只自憐
遭回緣蟻磨落魄忘魚筌齒髮關山老鄉園夢寐懸榮名
歡不啻撫己事相妍形勝荆襄郡全家李郭船盤螭閒畫

甲養鶴費私緡未事山公飲唯聞林子賢栽松圍過十賦
橘歲盈千倦鳥吾知返秋鱸子亦旋龍韜窺洞達驂篠憶
聯翩舊竹親同種新梢轉碧鮮稻香交拄杖荷動共歸舫
應添情話悠任醉眠犢肥教賣劒鶻落想飛弦蓑袂
甘終老鑪香悅靜便微茫窺息踵晚暮樂隨肩七十人間
少春王節氣先林鶯歌送酒池鯉出登筵戰伐楸枰改優
遊款段偏餌芝堪駐景把臂讓居前不用尋句扁相期問
偓佺但收鴻爪跡俱作地行仙

題滄浪春泛圖

表弟朱庶侯屬工摹其高祖光祿公遺像為此圖光
祿公直軋嘉閒名在國史儒林傳書在皇清經解中

吾先祖即光祿公外孫庶侯於吾祖又外孫也
喬木風吹籟楹書蟲委塵生丁搖落節畫見太平人家世
榮稽古先生道冠倫珥韶光後葉屏爵重天民西塞追陶
峴南湘異楚臣水雲情共逸魚鳥德能親鼻祖蟬嫣遠喬
松薦施頻名甥紛驥驟吾祖繼經綸聰聰誠伊邇遺圖
儼若神客兒能述德妙手與傳真宰木麒麟古餘生饗簪
鄰高陽門似舊九里潤愁屯勿謂埋豐劒終期照漢津殷
殷求勿忝各勉當仁青篋黃頭舫蒼葭白露辰不然須
共遠莫作海鷗馴

過徐上將祠感成

上將名懷禮早潛草澤光緒庚子北方大亂江南大

吏以懷禮所部沿江上下且數萬人意憂之時朱茂
才黃館余家具為家君言懷禮奇男子事母孝又
未嘗拒官軍宜可招而致家君即與大府書往反
十數以百口保焉其實朱先亦不識懷禮也懷禮既
受撫來謁家君與劇談縱酒使韓兄弟以齒與為
雁行辛亥變作孫天生盜揚州郡人迎懷禮自京口
以兵渡江是夜寒月如晝遂誅天生立軍府草創綏
撫甚有威惠懷禮故喜古玩南北戰起有以古瓷瓶
遺之者緘鐫甚嚴懷禮親啓之藥發震斃郡人哀思
之

棟宇今當路風雲舊輟耕才難終自見世亂易為名赤手

椎埋日蒼頭部勒精小心能孝義雄略動竒英跡自吾家
啟聲隨俗衆評龍纏霜劒氣鵬待海風程斬木東南起連
城鼓譟迎嬰郭俄盜據投袂切宵征馬渡妖氛豁笳吹夜
月晴竇融權擁郡劉表解安氓七邑通財賦千村接吠鳴
巢林無野燕侑酒有銀箏杜甫休戎幕蕭公豈騎兵拘墟
愁手炙塞向待功成戰急玄黃血身提楚漢衡不甘收鷁
蚌轉欲掣鯢鯨秘器何方至驚雷白晝砰昆陽兼震瓦先
軋失如生九服兵重偃三軍恨未平符鳩流怨曲石獸表
高塋採酒村翁意止山峴首情飛黃驕蹴踏遺愛極崢嶸
翠楠含風麗銅鋪射日明地兼郊野闊春入柳梅輕古有
如山死人誰與命爭寐寡屠釣侶壯麗鼎銘五白環牀叫

千杯接夜醒看花頻簇騎醉月或携鶯了々哀榮隔茫々
感喟盈孰將儔管葛忽已娘韓彭倚柱方憂魯觀棊未鰈
枰隻雞餘腹痛衰鳳颯心驚賁誼空流涕終童詎請纓披
帷想英烈風籟滿旄旌

暑日園居言志溫李體

北陸延脩晷西成遲早涼陸沈殊廠次淹卧似清漳畫扇
招鸞女爭柯夢蟻王興來愚蹕谷醉後海生桑望益開羊
徑穿藜藿管牀種瓜期五色藝木待千章露夜紅蕖白霞
曛碧樹黃劇棋消畏景把鏡咲繁霜范臯傳香法虞悁與
食方肄書裙練黑賣劒蒯維長卧久驂騑瘦堂新燕雀忙
展圖窮七首織錦費回腸筵下氍毹鶴籥潘邊躑躅羊留星

愁急影第甲畏高倡辟世蘿編帶消中柘笮掾玉壺如可
借終得一身藏

唐花

春入三千界花開第一枝東皇偏與力北地故多脂品擅
繁華極嬌嫌富貴遲綺窗籠了鳥緹幕掩罨窻丹穴熏先
暖金莖露暗滋綠房銜火齊黃裏透靈犀豔采懸黎奪崇
光繡段欺兩鬢千萬直一咲幾城危辟月流輝夜彤庭徙
植時交龍張瑞錦采鳳拂金支絳蠟高相照彤雲捧不移
簾深通燕賀地密有蜂窺卜相需紅藥迎塵拜萊菴珠槃
交貴重翠葉倚扶持張女看遙妬吳娃竊自疑蜀牋迷五
色越網費千絲鏡裏同心結城中半額眉寄書勞采筆入

畫想芳姿穀雨何妨待花風不住吹回中憐舊侶崇敬失
前期紫色終慙閨丹砂豈駐衰酣穠春夢許身世化人為
何所無芳草他山之玉芝誰將才八斗為爾賦相思
題咫尺村觀稼圖

先祖文恪公以同治壬戌成進士出萬文敏公青藜
門下繼又課公子薇生莖生讀咫尺村者公別業是圖
悉寫公及壬戌同榜諸公像凡六十餘人而公三子
侍焉京地熊君筆也 文恪公再題字其上後六十
三年乙丑公三子皆已歿家落京師數亂諸孫懼此
卷之不保因其姻家劉君來致之辭乃賦詩而歸之
先是公家遭回祿藏書畫盡煨燬獨此卷存云

浩蕩人文會淒涼六十春蓬壺煙霧隔紳笏典型親昔在

中興始天貽典學臣龍門多士萃鳳律八風均北斗尊韓

愈東堂策却說范金無躍冶搜箭必貞筠欲識通家契先

從祖德陳句臚榮奕葉

先曾祖以二甲第一人

先祖再世登科

燒尾蓮嘉

辰玉是階前樹儒為席上珍董帷翻受業蕃榻更留賓世

變凋文物年移昧火薪舊聞吾尚及聰訓必先伸往者論

思暇蕭然撰杖晨風雩偕少長謀野得郊闌花木平泉擬

圖書鄴架鄰降階延雁序密坐是烏跼客有安生裔才將

顧愷倫經時勞舐筆取次與傳真閱水催年數留題添翰

頻琴星知幾在村徑宛堪循野屋孤杉偃芳籬六枳勻涼

軒窗面曲治水鄰岸草青於園池荷白似銀橋低排

雁齒松老戲龍鱗茶竈隈闌角書囊挂石脣佩垂分揖讓
坐穩愜天申或寫當風帶偏宜塾雨中王書題扇溼江錦
賜袍新一老歡言咲諸郎忠雅馴響臻同祖謝星聚亦陳
荀地闊流超海天清火照旻琳琅紛滿眼煙墨不停斂遠
勢尤難寫餘波轉入神稻香花漠漠膏潤隰潞雅意思
無逸遐情寄有莘不過先稼穡豈但畫麒麟聽履星辰遠
傳衣歲月湮午橋荒綠野甲第冷朱輪棊罷羊曇盡甑存
子敬貧六丁驚下取什襲僅隨身將恐防逋寇深緘託舊
姻捧來三疊沐看竟一酸辛割據黃圖碎風霾絳帳塵世
家餘蔓草故國感山榛規矩先民在科名此世嗔壁書埋
蠹簡珠淚竭鮫人寶玉宜歸魯連城莫換秦相期存舊德

終見繼平津

過老子廟

海內外紛然其始由羣生一念不甘止足而已欲振其敝非老氏無由故託詩明之

太始元無象羣生只積迷紛綸呈物我茫昧失端倪嗜欲超同軌奔驅疊萬蹄小康勞禮樂巨壑走防隄指樹天生德歸根道孰齊商周留一顧儒佛得雙携痛切纓冠救高持刮眼鑱兩言申止足衆類濯塗泥函谷何年度流沙豈更西玄言虛罔象丹訣啖醢雞肅穆靈宮古蒼茫晚日低過人誰繫馬側耳況驚輦末俗渾人獸孤懷集涕洟羹墻通肝蠻夢寐起顛隳像設瞻龍見悲歌續鳳子但傳五千

字終作太平梯

寄懷朱菊坪莫干山

以下丁卯後

天目高南紀連峯走太湖地包汪罔國巖帶子春郭大壑
盤相會茲山秀絕殊霞標愁過鳥煙翠拂跋烏密竹家
筍飛泉斛珠人依青嶂住猿入白雲呼邑里蕪夷夏樓
臺似嶠壺地靈瞋俗客藻筆待鴻儒夫子驂騑骨清聲驚
鷺雖九流窮節目萬卷不枝梧每說莊生劍還論杜鵑都
憂時追屈賈開篋覽孫吳壯志期環轍中年早棄繻關河
來指掌艱嶮老頭顱馬換離家齒龍誰借手屠賜秦天轉
醉藏壑負能超四海皆窮鳥經秋憶舊鱸采薇傷易暴稅
駕得歸愚八月胡霜急三邊鐵騎驅北門爭掌管東道亟

張弧雷火天崩角衝車地發樞嚴壘隨葉落烽信奪霞朱
遼海曾留邴宮奇舊在虞徙戎籌早熟聚米陣頻圖蝦菜
船歸蠡雲梯枝啖輸旁觀羞血指當軸且隴胡粉飾獫人
鼻喧呶處士筭狙公紛喜怒鼠子恣牙鬚黯黯三才晦茫
茫萬類枯周餘幾遺孑廣武一長吁往昔英豪士多從山
澤臞直關時命認甯恨鼎鐘無鬼谷青溪畔安期碧海隅
風雷收壯往泉石展新娛聞子書堂好當階衆象紆銅官
嵐氣接風渚穀文鋪送鳥投遙碧看雲度具區朝昏消茗
椀甲乙理書厨遣興詩仍就尋山杖或扶背人看寶劍微
醉誦陰符此地應堪老幽栖肯借吾向禽心素許莊惠道
非孤身世元相棄從違敢自誣龜魚欣數澤麟鳳絕罝笊

勝舉須吾輩餘生免畏途相期兩黃鵠縹緲入雲衢

懷李審言丈

幼學稀師友中年困謏聞遭時方擾：鑷白已紛：灰溺
同安國庭蓬歎陸雲觀生疑夢蜨繞鬚任飛蟲舊好渾遺
跡新知敢樂羣高賢天固啓學海絕無垠每擬登龍數翻
勞命駕勤朽枯榮一顧歡喜過三熏咲語莊逢惠留連夜
接昕侯芭能載酒宗武更工文曲院偕僧話名香借佛煮
興高遺俗慮意得到皇墳小別秋俄盡中原亂益夢誰論
化猿鶴忽已偃矛矜鄭里黃巾避陶門碧柳曛過從逢祖
謝講習繼河汾烹鯉書頻寄聞韶意獨欣情瀾紛媿：家
法矢斷：博論當時體高持郢匠斤綉裁嗤輔佐舟盪薄

殷雲轍亂真追北雷訇似鼓鼗莫過精選理兼亦張韓軍
雅調徵牛鐸微衷效野芹齒牙蒙借與肝膽荅芬芳塞雁
賓江國邊寒入帽裘菊留秋圃淡楓奪醉顏醺藜杖知行
藥書籤或理芸少微占處識紫氣望來殷自咲泥龜曳虛
教邑犬狺那堪陳正字直蹕下田君智短牆將面時危筆
可焚醉歌銷怫鬱劒舞豁憂懽六籍灰秦火弥天盛楚氛
倚公存正始猶可策奇勲

哭素寒雲

交友今餘幾斯人復喪亡前身王子晉異代李重光麟趾
徵公姓鸞音降女牀聰明一冰雪符采五文章往昔因何
遜題書問孔璋徇知初入洛得意似遊梁六合新同軌羣

材競服箱神皋天詠蕩化國日舒長西苑連雲起南皮應

教忙瀛洲人十八仙宇水中央花覆瑤階暖松搖畫棟涼

門詩催刻燭引水即流觴君居西苑之流水音其地寓仿蘭亭畫展三巴出

君藏王晉卿蜀道寒雲圖塵開百宋強君藏宋本遊陪金要褭坐戲紫

鴛鴦已忝親曹植仍教賦楚襄雪增平視豔花為好詞香

君出愛姬名江南雪者命余作賦孰進當塗識微傳海上方羣龍須見首

鳴鳳揔歸昌素志高箕穎平生契札臧含愁吟北渚盲喪

寄汾陽海宇俄橫潰兵戈日角張三靈紛慘々兩曜去堂

堂豈但銅臺圯兼令磨室荒衣冠委牆壁風俗向踴近東

走思鱸急南歸逐雁翔賣瓜成避世種木漸過牆恐懼秋

荼密低摧複壁藏眼枯新血淚夢起舊黃梁五鹿哀重耳

孤猿切斷腸餐霞甘送老混俗只陽狂
劍尚千金直鞭猶七寶裝書船虹貫月
詩白錦裁囊身有謬臺債家無累宿
糧荆高相性命粉墨且優倡自古神仙侶
甯生富貴場數奇真到骨慧絕定非祥
賈鵬占何遽虞蠅吊不妨凌雲情轉逸
脫履願今償亂極羣思治民勞汔未康
至今懷霸業況乃接清揚世路終塗炭
吾生託混茫筵空珠履絕塵汙總惟黃
思舊悲蕭永橫琴泣孟嘗高歌可哀曲
相媵白雲鄉

貞惠先生輓詩

先生天津徐氏諱世光與兄世昌同舉
光緒壬午鄉試積官至登萊青膠道所在
有績其請廢替糧道及


尼省兵靖民變二事人尤稱之國變棄官歸癸丑河
決濮陽九百丈父老稔先生治水績用強起塞河事
歲復歸卧晚好道盡力創世界紅卂字會全活億計
比歿凡十五年不入燕世昌知其志弗強也邦人私
謚曰貞惠

孰有甘蜚遯而能亟煦濡淪胥深痛在博濟寸心須霜益
松筠翠春令品物蘇肯辭摩頂踵庶亦活號呼憶昨洪河
決奔流孰子趨金隄吞萬馬貝闕俯千郭父老思微禹先
生起按圖馮蠟走攘辟羽野捕忘軀春穩桃花漲家尋松
菊廬功成高脫蹤道在得歸愚衆望瞻星鳳英聲舊簋瑚
兩龍騰匣劍六轡舞交衢自隗官能省安民伯罷屠屢聞

宣室對佇奏泰階符澤火燒中夏人禽混八區挂冠存漢
臘絕跡向燕都驃騎名元並於陵志或殊為園依白社受
籙想玄珠易地顏魚稷先憂薺若荼營魂繞民物屬意起
凋枯卅字光呈瑞羣生命獲逋費金高北斗貤惠及東隅
盛烈宣防並深仁喙息敷雲將天自在心豈世隆汙分內
關飢渴人間掣檻箠猶龍真鎬：化蜨竟蘧：生晚丁衰
俗年家愧小儒末緣親几杖私幸老江湖再見旗徽變全
驚氣類孤歸然三不朽耗矣一長吁梁壤吾安放民歌矢
不渝易名羣議協考謚太常無佳傳歸良史豐碑奠巨趺
公神在天壤長與劫塵俱

別峯庵敬瞻所藏德宗袞衣

海日當軒浴神龍抉石飛移情驚象帝挂壁見垂衣文物
猶懸照江山再易徽柘黃明似火粉米細於璣美矣齊三
眠皇哉式九圍未明求已亟有闕補無違聖實殷憂啓心
常永命祈暑寒民未怨師饒國仍肥魏丙無良輔伍文有
禍機桐宮終晚駕瑤水幸旋歸帶緩知如腊襟霑見綵
不成端拱治空恨委裘非想像神人覆悲涼佛火依光應
燭牛斗塵已集蚍蜉家世餘清白先朝疊紫緋鑪香親染
拂門戟荷光輝故國軒裳盡遺民裋褐稀孤孫懷慘：法
眼仰巍：寺靜風摧木江鳴水激磯靈修宜拗怒天咫尚
餘威夢寐嗟離黍生涯付食薇深山存鼎德高岡莫潛睇



含光詩

五言絕句

登古城

以下光宣朝

日夕登古城悠々涕雙下
余亦傷心人誰為視今者
春夜城外聞笛二首

月落煙中寺花明水上城
徘徊步南陌風笛自離聲

城樹早栖鴉垂楊拂狹斜
不知今夜笛春思在誰家
月夜作二首

天風松子落夜靜暗中聞
時見蘿際月印成苔上紋
夜久月如霜皚々半庭白
卻誤山中人踟躕掃階石

江南曲

前浦綠波生魚紅鴨毛碧六尺婀娜帆君作江南客
飛雪曲六首

丁酉之冬青徐流冗就食淮南者滿路富人俠少歌舞自若而官亦不聞郵聲因感飛雪用吳聲及西曲體作是詩也

江淮十二月游子寒無衣無衣可奈何白雪當緩飛
青徐流人子臘月不歸去顧看城上雪已復似柳絮
朱門黃金鑪獸炭四面發飛雪落火中焉得不消滅
少年白馬來與雪同一色不見雪中馬但見馬行跡
為言問少年弄雪將為何持贈儂所憐飾作頭上花

恨身不如雪飛落官寺中官知寺中雪那見雪中儂
香市詞六首效南朝歌詞

縫得色絲囊上寫朝山字釵珥滿路光鮮衣似花媚
舸子二丈長聯翩作魚行前船婆律香後載納都梁
進帆長江口駱驛如浮雲遊戲華陽洞去謁三茅君
東風好容華柳青桃復紅上山謁道場憑檻觀楚江
女伴香市嬉誰不鬥姚冶布裘再拜跪知是傷心者
阿儂燒香定在三月前河邊楊柳樹泊：盡飛縣
很石

一片穹窿石如傳割據風大江東去水終古怨吳蒙
古歌

纏綿鴛綺衾上織相思字本自無心人夢裏偶然淚
豔曲

語燕窺朝鏡飛花攪獨眠偶然成一嘆未敢必君憐
天甯寺晚歸

層城下蒼靄歸路別松雲回首林端閣斜陽僧語聞
望韓莊三首 以下壬子後

廿年前兩度泊舟韓莊愛其煙水車中遙望景物宛
然

紅樹驛樓前明河飛鳥外河上數人家依：至今在
八閘煙水多渺瀰十餘里漁唱滿秋風江南宛相似
藹：水霞生蒼：估樁晚憶得泊舟時羹魚枕樓飯

車中望泰山

野樹朝陽上車窗宿霧開仰頭青一氣天半泰山來

絕句

餘日映花林和風散楊柳忽復舊同心相逢一攜手

新河謠

新河七層塔塔下水三灣三灣三見塔南北與中間

古歌四首

寶刀霜雪刃單衫裛春風回鞭楊柳陌人馬兩豪雄

青松不作梁故在深壑底男兒心似鐵餓死枉為爾

黃禾飽肥馬健兒倚金錢買馬不買骨無錢安足妍

白日沒崦嵫鳥聲悲且懼風塵四邊起安知我止處

子夜歌五首

夫渠未花時先有藪中蕙中心懷萬苦為誰作華媚
依隱殊未語窈窕先目成玉指送金羈朱脣流喫聲
扶路聞風香瞻矚見子至齷齪始嫣然竒牙已無二
相憶百千端相見無一緒試藉樹間星密成花下語
寒蜩吟曲池蟋蟀鳴東壁華枕卧秋風相思此何極
題蕭畏之青溪買夏詞三首

竹暗小姑祠荷深江令宅白首對青溪含情此何極
青溪誰姓地本自屬齊梁身是南朝後相看一斷腸
有錢不買春獨買青溪夏肯學諸議郎紅塵午馳馬
憶栖霞寺

杉松環一寺煙靄日濛濛夜閣無僧語燈明山翠中

高齋對雨

高齋曉沈沈雲陰散寒雨窗前兩好樹紅葉不可數

山居八詠題畫

中表兄李子陶隱於虞山取其所藏名畫與山中景

物相應者各標目之為境凡八書來徵題

古藤別墅馬和之畫

鶴如一片雪飛下古藤陰下有待鶴人科頭髮不簪

谷壠馬遠畫

玄堂雖已營身是不死客避世此山中千年生羽翼

龍門澗李世南畫

朱扉隱叢灌崖石氣陰森知有空中瀑聞聲不可尋
老石洞丁雲鵬畫

蒼々老石洞中有金仙住梵響白雲中時人豈知處
水棧戴進畫

衆葉多雨聲溪流晚來急搖蕩葦花風櫓牙半邊溼
白龍港王問畫

流水白雲長桃花春自香無人覺來去物外兩鴛鴦
巫相因陸廣畫

冥々雜樹深澱々石溜瀉前山風雨中九巫紛上下
尚湖

釣璜夢已遠杳々湖水白獨作避世翁婆娑風樹側

伊園八詠

先文恪公名園曰伊園又嘗以意擬為園中八景其
境不皆具也恐後世數典而忘乃各為一絕句

春暉草堂

堂前春日遲堂外秋風早欲識堂中心但看堂下草

溫雪山房

古之聞道人目擊情已寓寒雪覆書窗蜨梅兩三樹
抱壺廬

白水繞方田桔槔紛上下悠々世上兒孰是忘機者
移華永好

密葉綴繁葩紛紅復幽綠行人牆外見識是舊喬木

卧遊廊

名山多翠墨丁倒張壁閒風廊一支枕五嶽橫眼前

東籬

夕陽在林西人影落籬外霜蕊紫復黃秋容深可繪

容與

小屋如野航恰受兩三客推窗秋雁聲江湖浪應白

待月處

金尊屢添酒珠柱且停琴待看海東魄浮上梧桐陰

鼓伎之尤者董氏姊妹三人皆名曰蓮客為索詩集六朝

吳聲西曲諸句為五絕句

種蓮長江邊散思蓮子閒花葉百種色何處不可憐

讀曲歌

躡銅蹄子夜夏歌
襄陽

仲姑居湖西大姑居湖東喚作小姑子窈窕無人雙湖就

同上歡好
阿子歌

七寶珠絡鼓朱絲繫腕繩高舉徐々下聽我歌上聲楊叛

雙行纏青陽
度上聲歌

姿容應春媚夫容葩紅鮮嬌聲任意發明轉出天然采桑

子夜夏歌團
扇歌大子夜

置蓮懷袖中夜々得蓮子聞名不曾識思從心下起西洲

子夜夏歌襄
陽樂孟珠歌

與鄭晏青諸子鐙下合寫燭盤及松竹靈芝成幅走筆戲

題

翠竹映虬松靈芝復盈把蕭散似吾曹
比肩紅燭下
蛺蝶行

蛺蝶雙復雙飛上花枝語正值如花兒
相逢不羈女
偶成

西風響高林黃葉落四五忽驚衣上寒
始覺林端雨
題焦巖畫冊十二首

焦山

林燕巢無處江鷗去不還依然舊時碧
唯有畫中山
不波亭

君看水與波非一亦非二薦取不波時
此心何處是

焦公洞

古之遺世人意豈屑三詔莫若寫我詩公堪顧而笑
瘞鶴銘亭

仙禽何用瘞久已翔寥廓莫學令威還空看舊城郭
焦巖棧道

鳥路入雲去僧雖引杖行隨山三百曲步々聽江聲

夕陽樓

夕照似銅鉞正挂紫金塔愛此萬里風蕭々爽烏勺

浮玉崖

日落江多風潮響絕壁下行歌震崖谷嗟此何人者

陸務觀摩崖題名

劍外狂猶在稽山醉幾時除非浮玉頂著得此翁詩

吸江亭

微茫天外山鴉軋煙中櫓喚取老龐來煮茶看春雨

海若庵

樹影經幢古茶煙竹院深釣魚船一窓外度歌音

松寥山

松寥白浪中可望不可到定有飛仙人月明此長嘯

碧山庵

北固山如故誰為孫仲謀千秋無限恨斜日倚江樓

為商藻亭題寒燈聽雨圖

寒雨動江南秋聲遽如此坐夢白頭兄故園燈影裏

題歲寒三友畫贈

丈

古翠裛寒香蒼々滿幽抱定知楚兩龔堪為漢三老
漂母

六國無殘燄中原定一尊商量漂母意何事飯王孫
晚過舊坊曲閒二首

歌榭殘餘轉粒樓失舊香白頭將瘦影踏月度平康
繡戶歲蕤鎖垂楊舊可憐銷金能有地猶是太平年
題橫琴美人

美人橫綠綺孤坐石闌深無限瀟湘意風吹斑竹林
小病三度愈後作

日々藥鑪煙朝々聽杜鵑誰知三起後猶及落花前
得王荊涵書却寄二首

寒燈餘幾燄孤館向三更最是詞人耳
偏能覺雨聲
斷續擁鼻吟淒清滴階雨隔舍熟眠誰
檀郎并謝女
題畫贈黃賓虹

試寫黃山雲遠寄黃山客君家雲際居
松南定松北

含光詩

七言絕句

太真春睡圖

以下光宣朝

沈香春露罨宮鴉
巫雨微縈寶髻斜
天遣東風吹不去
馬嵬留伴玉梨花

絕句二首

青草宮前日午時
鶯啼紅綠映參差
家々花樹通遊騎
處處春塘露酒旗

乍晴池館花開落
時拂旗亭燕雨三
四月摘星樓上望
麥黃桑綠滿江南

夢中作

仙人夜下白玉京
招我共踏冰壺行
滿山松影月當午
不聞人聲聞鶴聲

俠客行

醉下倡樓玉漏高
酒痕猶浣鷓鴣袍
天津橋上橫鞭度
明月如霜照寶刀

雨淋鈴

南內笙歌簇畫屏
尊前重奏雨淋鈴
相看只作尋常曲
忘却支頤馬上聽

詠洋水仙

翠羽明璫別樣春
洪濤新洗鞵邊塵
世間只愛淩波句
絕

少邯鄲蹈海人

方正學血跡石二首

觸手哀來噤敢捫斷碑長自立黃昏人々各有燕脂血莫
為前賢枉淚痕

書生例怨天如夢英霸誰知力似綿儘有貞臣淪十族只
無燕子到千年

聽歌者唱徵兵

棘門兒戲久相輕轉對青蛾覺有情手撥檀槽聲似雨酒
邊燈下唱徵兵

許州口號

駐車許州以他省所鑄錢買餅不得曰吾汴人不愛

外幣也感成一首

金錯分明手所持
王孫一飽竟難期
公家揔借西洋債
那得中樞坐餅師

題季陶仙草衣騎驢寫真

九陌紅塵駿馬飛
四山風雨蹇驢歸
畫圖等是空中景
未必貂裘勝草衣

京口大觀樓對月二首

魂夢飛揚繞帝京
暑雲如火送南征
今宵只作江樓客
手弄秋紈看月明

浮々江氣欲三更
露下螭幘枕席清
我自有懷眠不得
滿樓涼月故無聲

寄李允卿京師

聞在京華久索居閉門不與貴人裾幅巾斜日西風裏
廠肆孤行覓異書

何意威將北行悵然賦此

細旃廣廈真如夢散髭斜簪暫此身共指車輪無一語重
逢恐作兩勞薪

劉文清松風水月寫真為素寒雲題

以下
壬子後

月下松涼上白鬚掉頭揮翰落明珠太平有象吾能說
宰相依稀似老儒

南歸對浦口江色有寄

一月京華塵滿纓南歸重理舊風情長江預學佳人意百

媚秋波照眼生

贈李提督開邦二首

隻手曾搴五丈旗
揮刀殺賊氣淋漓
年今八十如三十
自對青銅鑷白髭

兵戈宇內久滂沱
舊事成同再見難
說著當時廉恥將
軒眉猶作少年看

和蕭畏之續冶春詞四首

冶春詞人曾幾時
虎兒去後餘空祠
人生轉眼有今昔
豈若千歲青松枝

晚花新絮續為春
芙蓉木末那相因
可憐虹橋一掬水
能照今人成古人

菱歌竹外聽非遙
杏子單衫雙畫橈
遣唱君家春別句
定有傷心如六朝

一櫂觥船中酒頻
吳公臺下大雷濱
興亡當日不知恨
却到於今愁殺人

為王子衡題紅葉山莊圖二首

摩挲寶劒七星文
射虎南山氣似雲
解識晚年醇酒味
人間唯有信陵君

天台曾共飯胡麻
一櫂鷓鴣逐處家
不是仙山不歸去
滿村霜葉勝桃花

君姪人
台州人

謝李允卿贈折枝桂花二首

手折秋光入膽瓶
一枝分贈感芳馨
懸知居士山窗裏
金

粟紵：點梵經

風在虛空花在枝鼻根原不寄思惟憑君問取香來處只有殢伽神女知

雪屋

雪屋明燈親繡佛紅鑪芋火坐寒更銅甌不解年來意猶作雲帆破浪聲

謝劉采臣送鱸魚

松江鱸亦二顯唯劉所居秀野橋下為四顯

霜落江南水物繁四顯風味最銷魂憐君秀野橋邊住日

日鱸魚直到門

四妹惠香豉

蔬筍香中一味添製從溫室下重簾憑教謝韞拈新句雪

絮交飛末下鹽

自栖霞移紅躑躅一叢而歸

青山欲別思無涯回首雲林徧是花
移得一窠紅躑躅窗間几上見栖霞

四月郊行作田家雜詠五首

甚子垂々似索紅鴉鳩高下喚南風
村東躡水村西應一片歌聲深柳中

四月農人揔在田只留花犬護門眠
紅粧小婦年三六浙米歸來起竈煙

燕子雙々掠水飛柴門一帶綠陰肥
田閒昨日過新雨屋角家々曬草衣

麥隴風來碧浪紋
水田秧染綠羅裙
老農飯飽心無事
樹底偎牛望白雲

如酒熏風入四支
吳牛穩不用鞍騎
貴家屏上圖耕織
不是親看那得知

戲筆

湖心寺見壁間一絕句為之失笑然詩者情感之事也情感無美惡緣情之具有工拙耳因取其旨別為之而附元詩於下覽者可以知詩之為詩矣

紅廊面：俯瑤流煙水空濛似十洲
行倚畫闌看過雁水

楊風急不勝秋
元詩云到處長廊曲：通俯聽流水仰空濛垂楊卧水隨風蕩閒倚雕闌望信鴻

五湖二首

五湖煙月還無恙
千里繁華盡作灰
為問梁朝庾開府
江南經得幾回哀

泊吳淞越兩悠々
空遣今人吊古丘
茂苑春風若耶月
不知何處有恩讎

即席次杜運使梅林韵二首

飲水帟頭讀佛書
遠勞蕩節問幽居
已看狹巷通行騎
旋促家童掃壁魚

刻燭詩成走筆書
琳琅千卷伴仙居
從知謝傅多深致
試

話西湖宋嫂魚

杜自浙江
移官來此

翫新柳

紅闌干角碧池濱
攬取煙條問畫人
淺墨輕黃還淡綠
最

於何色不勝春

春日見賣松者

翠鱗新刷帶煙霏
桃李殘時見始稀
擔向朱門嫌蚤計
眼前纔有數花飛

題秦誼亭水村圖

三兩漁舟拂浪痕
江南黃葉眼中村
故家文物今存否
戰

火新燒寄暢園

寄暢園即秦氏園也

題華秋岳歲朝圖

金杯酒灩欲生鱗
輦輿聲中歲事新
簪取宮花含笑看
雍

乾年代太平春

冷君詠菊詩道往年渡江為張定武卜妻歸趁敝廬九日

之約事因贈

九日荒園追昔遊
階墀白菊傲高秋
霜鬢歲：禁佳節心

折西風燕子樓

過朱可翁觀其藏畫

百幅雲煙伴老夫
市闌隱几似仙居
藥香滿院日當年
自

起開囊撲蝨魚

春閨怨

三五明星三五月
沙場久戰音書絕
一雙紅袖壓闌干
夜

看木蘭花似雪

丙寅七夕作二首

畫屏銀燭淨秋煙
卧看雙星意惘然
天上定無征戰苦
弄

機牽犢自年：

千家瓜果出中帷
風物承平異舊時
莫向金盤矜乞巧
蜘蛛餘得幾多絲

香影廊雜題五首

丙寅九日坐香影廊風雨淒澀見壁閒臧太史舊詩
并張丹斧昔寫洛神賦因念近人存歿拉雜書此以
貽主人

水廊香茗太淒清
一晌支頤聽雷聲
等自無山堪眺遠
不爭風雨是多情

冶春香影屬誰家
賸有漁郎擁釣車
一岸風蘆眠繡鴨
兩行城柳鬧啼鴉

金馬歸來鶴髮翁愛招溪女采芙蓉平生高致過司馬自

向騶奴喚死庸

李中丞鑒堂嘗駐輿訪臧臧自短衣立門外荅曰臧穀死久矣

玉版烏絲寫洛神張郎年少果清新憐渠飽看終南色無

復工夫向阿甄

蕭畏老來猶醉否吳還死去覓狂難憑君話得存亡味真

覺茱萸要細看

題蘇武牧羊圖

禿節窮荒萬古悲麟臺纔畫雪盈鬚人間一種看羊客羨

殺金華叱石時

輓方澤山五首

以下丁卯後

霏玉清言斷不聞眼前真作死生分春寒更送瀟湘雨併

入離人淚哭君

才地昇平黃散宜襟期江海白鷗知無端一片揚州月照得人生髮似絲

老去心情百不宜藥鑪經卷伴清羸低回十五年前夢羨殺江湖落魄時

馬卿多病名還盛疏傳揮金意有餘至竟不隨黃土盡一囊詩句滿羸書

一代才名兩弟兄長公豪放次公清白頭淒斷連牀句丁字沽邊聽雁聲

題沈中丞秉成鰈硯二首

魚石出東海中中丞初娶於嚴有淋德因琢石為硯

以寓意嚴歿中丞官貴內寵干政物望盡矣

海石中開錦浪文一雙鮐鰯暖春雲誰人解似張京兆日
日研螺對細君

西風塵匣冷雙魚故劍徘徊恨有餘不遣茂宏矜九錫晚
年全付女尚書

題水村圖贈丁石安三首

江南楊柳不禁風薊北山河返照中萬事孰如耕鑿好買

田歸去祝牛宮

斗野亭邊樹似煙鐵牛灣下浪花圓漁村一帶蟬聲裏借

問君家阿那邊

太白詩萬戶垂楊裏君家阿那邊阿那者
問詞今吳語猶爾注家釋為婀娜誤矣

相看蓬玉揔知非回首風塵願息機預擬他年同樂處甘

棠湖上綠蓑衣

客有談燕京去年軍中事者感賦二首

雷鼓前行十萬師
美人朱邸鬥霽支
舞餘催賜纏頭錦
正是居庸破賊時

陌上風花歷亂飛
九衢長日過人稀
中軍昨夜迎新婦
壯士齊歌得寶歸

辛夷花世少愛者
余獨驚其豔絕作六絕句張之

心字香銷睡鴨煙
午鶯千轉破清眠
春來最是無情思
勉為辛夷一放顛

紫府仙人絕世稀
絳綃為服玉為肌
赤城霞氣嶠山雪
併向春風一處飛

初日芙蓉豔不禁采芳還懼涉江深數枝木末殷勤看無限離騷屈宋心

海棠春醉暈生渦百結丁香開錦窠添个當窗新雉樹蜂聲蜨影一時多

絳跗韡々卓繁枝暖豔晴香不自持好向樊川斜過筆醉中題作紫雲詩

一天花雨響迦陵欲謝風情愧未能證取靈山微咲意現前元是紫衣僧

驛亭柳詞五首

揚州比月過兵紛然而卒未殘破者豈蒙其哀憐亦有所藉手以免而已作此五章以申小東告病之旨

纔送南人又北人郵亭一樹可憐春憑君留取青
葉尚有南來北去塵

含煙曳雨揔多姿每到將離折一枝不恨行人太
無賴恨教生得最長絲

細柳營邊出餞還綠陰如水鳥鵲蠻也應愛惜春
風影不遣臨歧一例攀

莫嫌傳舍送生涯半繫斑駁半繫槎猶勝石頭城
畔樹萬株春晚不飛花

揚州兒女最情多唱遍新詞不奈何除遣車輪生
四角那容煙葉鬥雙蛾

低問

白門楊柳織愁陰
亂後風光別後心
低問桃根雙姊妹
渡江何日接韓擒

宜陵周惺庵索詩寄荅二首

宜陵一舍是蕪城
亂後風光處處更
怆悵斷雲斜日裏
西

風猶送舊蟬聲

漁洋詩斷雲斜日宜陵道一路西風響暮蟬

詩腸空壁鳴飢鼠
書手黃庭愧白鵝
賴得周郎肯相顧
曲中誤字不妨多

周惺庵又以其師海陵劉君詩來奉荅二首

兔葵燕麥碧茫茫
十事春來九斷腸
解向玄都問花事
人

閒唯有舊劉郎

官河東去樹離離
紅葉霜高雁影遲
羨殺青燈兩師弟
閒

門風雨對哦詩

弔吳昌碩老人

塵世紛々臭似娼御風歸就列仙居誰知一月安東令解

作千秋史籀書

吳有印云一月安東令

題紈扇美人圖

燕々飛來百事新夢痕長斷漢宮春秋風尚是多情客解

拂齊紈扇上塵

每歲天甯寺牡丹開時余輒招客共賞今年無復此興僧

來約看花復為雨阻題此寄慨二首

雨聲花事兩相違待到晴看事已非肯向殘紅遞消息一

枝留與慰霑衣

年、蔬筍醉精藍別後逢花思不堪但使故人還再到春
光元自滿江南

清明曲二首

風惹飛紅入鏡屏罷粧殘夢尚忪惺下階自問金錢卜
向旁人道踏青

側看鸞鏡正金釵簇蝶湘裙曳玉階行聽樹頭靈鵲語征
夫明日下長淮

頻過

丈所居

祠樹濃陰入巷斜午炊煙少讀書詳經行最熟詩人宅太
傅街西第一家

戊辰七月廿一日作

角聲驚醒夢，參差起攬衰楊折一枝。還似去年今日意，嫩涼城郭曉晴時。

詠高麗髮箋所製筆

憤溝婁畔度郵笳，松扇清涼訝許同。故國久驚吳髮短，不須藏篋怨秋風。

明孝陵

帝王寇盜兩茫茫，六代無情易夕陽。瘦馬紫金山下過，一杯獨自奠高皇。

夜興

世緣薄似秋蟬翼，衰鬢疏如野鶴翎。猶有前生僧意味，地鑪松火照看經。

金顧兩畫師合寫杞菊茶具萬年青為一幅見贈

寂寥杞菊伴茶經泥我華胥夢不醒見說當年天一啖春

風滿地萬年青

清聖祖幸金山問此山閒皆何草也主僧超對曰萬年青也上為一啖見金山志

水仙

皓齒嫣然蔭桂旗老來羞賦感甄詞只餘詩意如琴意恰

是成連海上時

書始皇本紀後

如繩馳道走驚雷天半玉關四扇開三十六宮穿望眼沙

邛迎得鮑魚回

邛溝有吳王夫差廟俗以為所祀財神也戲作二首

錢神論罷久然疑嬾向君王更受釐獨捧琳琳低首拜愛

伊亡國為西施

蘇臺煙月廣陵濤遠阜民財亦太勞
邠及扁舟閒范蠡千金致後冠三高

東坡所稱華峯東麓秦遺民者意頗慕之
率成絕句

華峯百里即咸陽雞犬桃花別一鄉
插了青秧縑罷繭喫看飛火入阿房

月夜懷法一禪師

獅子山中法一師別來音問不相知
寒巖定裏此時月應

挂古松千歲枝

懷妙善禪師

浮玉栖霞任意行亂山埋跡不埋名
芒屨破衲逢人拜絕

倒當年常不輕

過史公繩之弢園故址

更無月榭與風臺處：涼風處：苔翻羨烏衣間百姓有
家留待燕歸來

庚午冬月十三日赴人家詩會偶得二絕句主人所居小

樓荒樹韡往在京華日小搗坊胡同寓居極與相似

雲意空濛雪意長城居難得近荒涼無端觸起燕臺夢跡

樹紅樓小搗坊

插戶朱旗亦可憐問人或道是新年詩翁歲月渾忘盡默

對寒松一慄然

除日得寰兒海外書

故鄉寥落不堪思，萬里相聞意恐悲。
報汝阿翁除歲日，幸能搖膝坐吟詩。

周穀人示醉落魄近詞賦惜花詞二首題其後

舊護金鈴不記年，殘紅相對意悽然。
東風有力人無力，未為花憐先自憐。

暫憑風雨送黃昏，莫向春闈怨夢痕。
留取惜花心事在，羨人車見與深論。

送唐甥歸二首

無母童甥四歲強，白頭相送此情傷。
颺車塵遠垂楊裏，泣替詩人和渭陽。

郵亭此日攀楊柳，歸櫬前宵泣路歧。
去後依然崇讓宅，嬉

遊只少鳳雖癡

曲闌

曲闌芳榭宛無訛夢裏經行覺後過數點殘星天淡白櫻
桃花下曉寒多

雨中對瓶花

槩几銅鑪絕點塵膽瓶親汲澗泉新垂簾共對瀟瀟雨穠
麗花和寂寞人

性嗜啖枇杷而今年市不可得戲作三絕句

不是吳船到苦遲今年嘉賓太離、明窗罷習枇杷帖正
是相如病渴時

壓枝杏子作金黃折薦冰盤未擬嘗不為虎賁風味減只

愁齒冷蔡中郎

露葉風枝俊不禁
囊盛誰與伴來禽
他年兩洞庭邊去
一舉青山萬點金

題南通徐貫恂澹廬品錢圖

金穴銅陵寂不聞
路人無復弔墟君
那如處士山齋裏
手弄青錢看白雲

王林涵自燕歸兼道近事賦三絕句簡之

去值淮南水拍天
歸逢薊北闌如煙
憐君不及隨陽雁
未飽秋菰已避弦

東來千里急傳烽
飲馬長城窟幾重
泣向田盤山上望
古人曾不賣盧龍

波繞秦淮碧玉環
幾人能唱念家山
南朝不少風流在
未值詞人一破顏

梅

寒香初透兩三葩
夜雪晴時月欲斜
窗際一枝清似水
影猶如此況論花

病中簡朱菊坪

海棠將動語流鶯
病向風光太少情
預數北城寒食節
柳

邊攜手踏春晴

睢陽

蟻子虬蟬援竟殫
睢陽城裏血流丹
浮圖箭在如人在
未

必安眠許賀蘭

微雨過朱可翁家牡丹一朵尚存甚巨可翁今年八十矣
病起匆匆過却春采雲一朵尚輪囷畫闌微雨清陰裏別
樣精神似壽人

物外蕭閒歲月長繞身書畫伴焚香張先老去無鶯燕自
藉天花作道場

數年不詣縣庭其門者舊人也見余猶呼二郎則知先
君名德遠矣

商山綺季頭今皓州府龐公跡久稀聞喚二郎如往日詫
牽車箔一露衣

戲贈善歌倪翁

七十歌喉玉琢成女郎嬌轉不勝情無妨賺取諸年少試

隔重簾唱一聲

漢宮詞

昨夜西風入上蘭行
碧樹起驚鸞
屏風雲母明如水
只隔堂廡不隔寒

梁咄哉梅花消寒冊
其署年月兼新故
二應戲題

水邊雪後一嫣然
寫入消寒筆更妍
待向山中談應日
此君元自不知年

懷凌仁山翁二首

笑擲千金付等閒
此翁高致豈人閒
珠江花月燕城雪
只當看山一往還

飽飯高歌任意行
湧從九牧論虛名
百人坐上誹湯武
方

信先生不世情

為何駢喜題閶門秋柳圖

江南江北兩閶門

唐時揚州城南門亦名閶門

一種垂楊斷客魂好語

秋風莫搖落略留青眼向王孫

題王陶民畫四首

曾於雪箇圖中見又向陶翁畫裏看同是遺民桑海後那

能畫境不荒寒

仿八大山人山水

荼蘼花老棟花稀鶯燕知春漸欲歸猶有美人空谷意故

留香草伴芳菲

雜花鶯燕

大蕉高竹山山館載酒題襟此日情預想故人天末去怕

聽風雨打簷聲

陶民此來主蔣氏山山館此寫竹風蕉雨時將有遊蜀之意山音歐

聽徹清歌不自持
點花借汝口中脂
江城仙笛休吹裂
此

是春風第一枝

紅梅為趙巧
其人工歌

題畫

竹外風鳴百道泉
地鑪長日起茶煙
山人與鶴俱無事
對

就松陰涼處眠

綠楊村對雨

芙蓉塘外雨來時
千樹垂楊攪亂絲
捲起湘簾對明鏡
亂

頭粗服看西施

題吳菊農詠菊詩

文節公
族孫

勲名文節媿陶桓
宜有諸孫肯耐寒
一種柴桑好秋色
黃

花原對晉衣冠

新涼

驚蟬抱葉響東樓
薤簾晶瑩滑欲流
但使有涼無惻愴
一年不礙併為秋

從古

從古龍豬未易論
篠簜相逐兩公孫
陶潛只自如常醉
謝爾麒麟卧墓門

送蔣諤士之錫山聘婦

春去簾櫳花片飛
秋蟲催客製寒衣
吳船細櫂江南月
載取鴛鴦滿意歸

秦虜青寫梅引鄙人言畫梅者最不宜題詩因自寫一絕
道其意依韵和之

天然玉雪離言說只怕凡夫浪著詞分得花光一枝筆不

妨秦七自題詩

秦太虛有題花光畫梅詩

謝鮑婁先贈擘窠書筆

裁紅暈碧三千首老向花前刻意狂多謝如椽一枝筆好

將燕許救齊梁

萬君默過談口號


濯纓無計向滄浪茗飲聊回九夏涼環堵布衣公府掾一

甌相對說仁皇

二林

二林鐘磬徹朝曛醉客攢眉似不聞身受然燈當日記肯

將遺教禮迦文



論詩絕句

詩最忌論宗詩而曰論則非詩也非詩而猶作之者不得已也故別於他詩而自為一卷都二十首凡以直指本原發明詩唯情之義而已每首下各自注使其旨了然可知含光陳延韓識

詩教千秋鬱未開真源端不用疑猜分明一片情田裏發出宮商萬變來

凡源於情而有韻者為詩自經子古籍韻言為多以至道家章呪佛家偈頌藝人歌訣官府告示皆有韻而不源於情雜文之寫情者則源於情而無韻皆非詩也子夏曰情動於中而形於言明必情動而後有詩又曰情

發於聲聲成文謂之音明必情與聲文相緯而後為詩
此界說最分曉

啼哭從來豈自由能傳啼哭即千秋苦將意識生分別定
識渠儂不入流

哀樂是情是非分別是意情與意常相生而絕非一物
詩家之要即用情不用意耳人以哀樂不得已而有啼
哭亦以哀樂不得已而後有詩質言之即詩者所以表
啼哭也太史公改詩言志為詩言意又言詩以達意此
實頗誤後人因此遂謂作詩首貴立意夫立意者文之
事也詩則一涉意即不佳矣

詩要純情本大難緣情便可霸詞壇古今流別分明在始

變風騷是建安

詩上者純情其次緣情最下不及情純情者本其真感

而為詩故人僅一篇或數篇漢以前是也

屈子獨二十
五篇然未必

皆屈
子作

緣情者不能皆本於真感或有所感以文緣而飾

之或不必有所感以文緣而致之建安以降是也不及

情者則專恃意以為詩晚唐以下諸下乘作者是也要

之古今之分自建安始

如醉如狂畫不成詩人豈有理堪評果從理需求佳語試

聽慈親責子聲

詩人之情當使如醉如癡如狂如寢乃為至耳理與情

相敵故最忌理語姜白石理高妙意高妙二語皆甚誤

嚴滄浪稱詩有別趣非關理者亦未識真際而為之詞者也或曰古詩亦有入理而佳者何也曰此有辨理語而出於情則佳例如賢妻之規其夫慈母之責其子理語而不出於情則不佳例於議郎之論事法曹之激獄千里相思共明月生為久別沒無歸千秋顏謝傳心法除却愚癡何所依

顏延之啁謝莊以但解作隔千里予共明月莊啁延之以但解作生為久離別沒為長不歸此三語者若以理質之皆小兒所不道也然而妙絕千古者其情至也理者必智任情者必愚故詩家情至之語往往不可思議而經解曰詩之失愚

忠愛盈腔託放歌強名為史奈伊何春秋自與詩殊藝
逐小儒誣孟軻

杜陵自以忠愛之情為詩以事關家國故多涉及時事
耳後人不知因尊曰詩史夫文事有三詩以表哀樂也
文以陳意義也史以為簿籍也此如江淮河漢之不同
源亞可并而為一曰然則詩亡而後春秋作之說非歟
曰孟氏言王者跡息而詩亡夫跡者車轍馬跡謂巡狩
也意古天子巡狩陳詩之後則命太史推其作詩之故
知詩之哀樂由於政之得失於是著之曰某以美某某
以刺某於是頒之列國以為勸懲而後諸侯知所懼勸
懲者特假詩為用而詩人作詩之本初不為此也巡狩

之跡息則此事遂亡故孔子不得不作春秋以代之若
今三百篇多出於東周以後而亦有美某刺某者則子
夏之徒姑本其意推之而已詩史之說至今牢不可破
是惡知孟氏之旨者哉章實齋說六經皆史則六藝為一藝可乎
見仁見智各紛拏競向虛空覓賢花解道此中無達詁始
知莊叟是詩家

詩人之情是一事假詩為用又是一事王式言三百篇
皆諫書此假詩為用之徵也故同一詩也而有齊魯毛
韓關雎思淑女而已而或以為美或以為刺或以為文
王時或以為康王時知一切皆由他人推定者以此莊
生云詩無達詁美哉安所得此釋黏解縛之言乎

臣忠子孝鬼神欽女怨男癡百不禁任把無邪立詩教莫從作者問貞淫

臣忠子孝情也女怨男癡亦情也謂其情有貞淫之別可已謂其不俱本於情則不可也古詩三千孔子刪為三百謂詩三百一言以蔽之曰思無邪者就所刪之詩以立教而言也後人誤立教之義為作詩之意故鄭衛諸篇遂不可通

萬變詩情太劇多山之煙靄水之波孰將一相當全體摸象盲人可奈何

情之變無盡故詩之相亦無盡此如山之煙靄水之波浪然不知者誤詩之相為詩之體又不明其多相而執

其一相因以為體於是論甘忌辛是丹非素之論紛然
出矣佛經羣旨摸象之喻豈非為此輩設乎

公譙纔終復鬥雞詩須題目漸成蹊惹他八股堆中客盡
抹風騷講切題

三百篇皆無題屈宋蘇李亦於文成之後揔其旨以為
題目云爾建安諸子於公譙七哀鬥雞皆數人同賦一
題則詩之有題始於此矣二馮以降八股之魔入其心
腑至義門曉嵐諸君乃好以切題與否論詩之工拙皆
八股法也夫情有所感而後為詩因即所感之境標以
為題則詩之與題安有不合何事議其切不切哉且題
者詩人所自命非若八股之出自主司又何事作繭以

自縛乎

苦說詩中要有人
鮑山持論果無倫
詩家自有真情興
近理誰知更亂真

秋谷持詩中要有人
在之說以攷阮亭耳
夫詩人之位有定
詩人之感無常感而適如其位者
在官言官在府言府可也
感而超乎其位者居廊廟而慕山林
在歡娛而興憂戚可也
本乎真情而發則發而自為其人之所
當言又何患於無人在乎
必斤於文句之間求與己之身分相應
則略如作八股之入口氣而情興全失矣
此與切題之說皆所謂彌近理而大亂真者

眼前身外揔情中
各々看來各不同
未解粗官隋李謬
竟

將何罪廢雲風

宇宙萬象皆出情中萬象終古常同而情則變遷不住
故同一月也張甲所見之月與李乙所見之月殊同一
對月之人也今夕所見之月與昨夕所見之月殊情感
異則物象異也如是雖人：賦詩言月夕：賦詩言月
而詩中之月卒取之無盡用之不窮李諤譏盈箱疊案
累牘連篇不出於風雲月露豈將使人別求詩境於宇
宙之外乎荆公譏太白篇：有酒有婦人陋同於此
待向宗門細：探七情顛倒苦沈酣詩家自是魔非佛一
語為君來發凡

宋人喜以禪喻詩以其愴怳迷離處略與禪家機鋒相

似而已不知惝恍迷離處正情之極境禪者背塵合覺
主於悟詩者背覺合塵主於迷陶有隱逸迷謝有山水
迷李有花月迷杜有家國迷愈迷則詩愈精質而言之
詩者魔道也非佛事也惡有詩而與禪相應者乎
字句篇章各立程更張詩話廣詮評何從覓得秦皇帝一
火燒將快我情

古今來多教人以詩須如何作如何作此所謂法也法
者死物情者生機循法以作詩則先將枯情以從法於
是詩之本失矣宋以來益廣為詩話小辨破道其害尤
深果能一掃空之則真詩始出

詩人原自擅天葩要待前人啓沃加比似風雲感龍虎也

如灌溉發萌芽

果舉篇章字句一掃空之則詩果無法乎並前賢詩亦一概不讀可乎曰是又不然詩非無法要當發而應節不可規：於法求之也其發而應節奈何曰古人純情故閭巷之間婦人女子皆可矢口成詩吾輩情不及古人則必待文詞為之緣飾夫待文詞以為緣飾則有能有不能有工有拙矣是非多讀古人詩不可多讀者有二義一多讀則己之情感與古人之情感合同而化如風雲龍虎之相應下筆時自能汨：然而來二人皆有情而未必皆能自達多讀而後熟於達之之術如種子得灌溉而後能萌芽也

百城萬卷作油膏沈浸涵濡足自豪不是詩心天賦予書
厨四足亦無聊

詩人讀書與學者異學者以所治之學為對象而竭已
以探索之而已詩人則初無對象百城萬卷涵濡沈浸
皆所以膏潤一己之情緒非有所為而然也淵明好讀
書不求甚解每有所得則欣然忘食此詩人讀書之法
非學者讀書之法自來無人知之後世不讀書者欲自
託於詩人固已妄矣謂必學者而後可作詩人則亦未
達本原之論也

祖宋尊唐閤不禁好詩原只是情深老夫聽盡人天籟一
片鈞韶無古今


詩家於漢魏唐宋入主出奴紛々無窮不知體格有時
代真情無時代也凡本於情者皆可取皆真詩苟以此
為衡則自三百篇至今吾未見其有異
北鼓南歌妙有餘國風依舊在鄉閭文人揔被弓鞋縛六
寸圓趺那及渠

北方大鼓南方小曲其詞有絕妙者正自國風漢魏六
朝樂府一貫而來不得以其音之殺伐柔靡而責之也
不知詩法不明詩理直任情而道故遠非文人學士之
所能幾文人如窈娘纏帛久失其真此猶屐上足如霜
未失天然之美耳詩乎詩乎捨唯情何所歸乎

初祖東來啓禪法陽明晚出講良知詩壇近日無新語也

要匡衡來解頤

喪亂餘生百不宜
畫場毀瓦只談詩
知他罪我還知我
且讓先生一展眉



劉仲夷致桐君山唐大曆篆書題字其縣令連船
構木升工拓而得者

漸江急驚瀾崖壁夾奔峭爭高迭千尋角出礙兩
曜鳥飛今亦絕屐折古誰到何年倒薤書鏤石肆
奇驚令尉及五崔七子此登眺興酣揮濡筆積蘚
供一掃蛩螭蛇蚓驚燁煜星斗搖山靈矜守護夜
鬼私哭吊藏舟有負趨發覆非始料茂宰殷古情
探賾得先覺方舟駕雲梯驅匠陵絕嶠飛湍下崩
迫怪石上翫翫憑虛升若仙袖墨顫疑盜伯昏公
在外韋誕魂屢掉鹽樾不終晨勇退奚敢稍鴻毛

收性命尺幅重圭璫跡表百代微事博萬人噪嗟

余嗜竒古與世實殊好把筆日畫沙涉險想輿轎

甘從學僮後豈避山賊誚茲役失不諧熒聽發深

悼故人遠相戲微畫先肆犒

劉云欲以易余畫

緘封片羽

輕伸紙繞牀叫君如求木李豫以瓊玖報我如飢

國居忽值牛酒勞深尋指畫肚歡噉頭落帽誇客

設九賓張壁引孤笑何時桐君巔俯問子陵釣徑

挾此石歸一慰長戀嫪

程善之母葉太夫人輓詩三首

啼烏墮霜枝下有哭母兒哭母血至地地爛天不

知天不為母明使母早百羅天不為兒聰使兒無
報時

人以情為田禮豈聖所執周孔遭附塗名教滋束
溼家庭一杆挫階戶干戈鉞泰甚有固然少寬非
所及恬然委吾命無噓但有吸窮年就委曲終日
安懼嘉豈期駒汗血但矢蟲長蟄義盡天亦回身
晚兒有立兒賢世知之母悲神合泣

一息辭母出或恐母見思一飯不母侍或恐母得
飢母惡屏勿陳母悅豫以窺兒與母偕隱與母百
歲期母不百歲期痛兒奉養衰舉世驚大孝孤衷

慘到勞請以孝子淚書母勞苦碑兒淚無乾時母
行天壤垂

南城外荷花池作

心目豁開明十頃好煙水日出霧始消明波渙成
漪鵝羣行引吭魚戲爭跳尾蒲柳青復黃秋光遽
如此粼粼采菱人遙遙沆沙子起我作詩心搖溶
不能已

清明日與李鍾二子隨波載伎應徐園登風亭作
歌紀之兼感湖上近事

清明昔日圖上河汴京回首荒銅駝豈如廣陵散

後風景在踏青尚見肩相磨北城煙水三五里遊
人似織舟如梭殘梅尚白柳初碧成團胡蝶飛煙
莎扁舟我與二三子亦載漢女偕湘娥此君亭畔
看脩竹長春嶺上攀垂蘿揚州春色在何許一痕
正寄雙青蛾淩波巧咲啓紅頰鏡中倒見生微渦
人生隨分足行樂折要貴勢理則那五侯方訝曲
陽怒兩部更覺甘陵多浴鳧飛鷺地能幾豈藉捍
闔煩遮訶我今酣放追老鐵不獨羽服如東坡白
頭處：對青冢可不急進金叵羅聲華氣力御自
有山林風月吾誰尚歸舟更極今日樂采蓮有曲

齊高歌

吳白匄自金陵歸相與泛舟登平山次清明韻作

詩兼寄王牀涵海上

靈均昔欲遊九河沖天龍駕矜高駝

屈本書駝今因借用

繫風捕影何日遂坐令人墨交相磨揚州自古畫

舫地黃鸝請客飛如梭吳郎白下力都講緇塵滿

袖歸樓莎飄然一櫂喜相對湖山春綠如媚娥谷

林出沒半煙雨五泉闌寂陰松蘿古情幽意發不

盡正藉皓齒揚青蛾君應簫唱追白石我亦江海

供黎渦雲山幸自有韶濩豈暇校頌賡猗那君看

六代舊都邑，紛紛冠蓋今。何多龍蟠虎踞迹，興廢
帝王冠盜同。談訶與令列，頊據圖籍曷若浪跡隨。
谷坡吾儕荒放甘已矣，肯企柱國希閻羅。新詩綺
語聊自樂，唱予和汝誰能尚。王郎相望一青眼，踏
船聽我歌吳歌。

尹石公走使致鮮鱠

北固山前江渙々，躍出鱣魚長尺半。平生目短樓
君卿，堆案侯鯖苦增歎。伴來一霎馳飈輪，軒然見
此尾。與鱗尾以喻君，戲海遊天之奇氣。鱣以喻君
流風回雪之高文，故人意氣古莫比。相憶加餐有

如此老夫甘為醉飽死嘉魚南有不可期巨棼東
釣猶堪爾

題江右康氏所藏米南宮多景樓詩真跡

上有秦檜秦熺印押端忠愍嘗欲以二萬金易
之陳散原曰公勿奪人所好乃留翫竟日而去
老顛顛絕老不休欲唾四海揮九州獨携龍跳虎
卧之巨筆來上凌虛縹緲之飛樓江山萬怪入腕
底濤波上擊蛟龍愁千年虹月閱何許神物坐被
君家收紙痕新若手未觸押印或恐神所羞溷陽
博古載萬牛豪奪不得況巧偷趙璧議以連城酬

散原沮之乃獲留坐玩經日空咿嚶即今佳話成
隔世喜君更亂能藏廬君不見故宮寶物山淵作
倏如落葉遭霜秋光嶽氣散不可鳩顧君守此過
圖球豈唯老顛精爽應下拜亦使大弓寶玉勿盡
輸胡酋

贈濮一乘

焦巖醉罵江撼牀彼上人者來何鄉三十年前濮
居士今亦未有驢滄浪孤雲爾我幾相值前後際
斷真兩忘劉家園子飲文字朱脣玉面衣生光春
風收紅變夏綠霜賦盡掃歸芸黃燕都再見烏集

闕法筵車馬訇雷碾衣翁一作自娛計南飛夜鵲
俱逃藏廿年歲月去鼎鼎四生業力深茫々持陶
家輪置左手世界擲去如風狂蛆蜂蟻子力智勇
沙蟲猿鶴爭存亡以茲豁爾見初地安心是藥元
無方行滕隨處便掃塔喜有法喜能相將穿衣吃
飯了大事眼前百幻皆真常渡江一笑相握手宿
緣憶得叅空王揚州從古擅明月只今亦尚多垂
楊槽牙風過傳軟語鏡心日落明紅粧陵遷谷變
姑棄置此物似可柔君腸毗耶長者心道場天花
外著中無妨非魔非佛不可量請君速進般若湯

為楊將軍題畫馬

天下馬不皆驍雄王良馭之能有功天下民非盡
戰士教人亦與教馬同蟻封水曲妙調御生作進
退申藝攻將軍天上下銅虎徵兵淮海恢軍容丁
男踴躍壯士喜父教兄勉來從我要令舉國因步
驟肯使積憤成駘驂馬圖示我誰所作仿佛放牧
斜陽中一朝鞍轡就銜筭萬騎齊足天生風將軍
矯：人中龍御人御馬皆能工貌貅今者眼嚴令
驂騑他日騰邊烽奮迅一蹴東夷空

勸酒歌贈溥西園

華鐙錦幄宵如銀酒痕盪漾金龍鱗卅年青鬚換
白雪相看認得當時春花娘急管騰新舞不補青
天漏秋雨芙蓉帳外推雷車驚回北夢黏南花花
為塵酒為水今日大醉明日死君是王孫我公子

題何氏園六首

何氏山林好今來六十年朱門殘棨戟珍木鬱風
煙兵從龍驤幕家回鰕菜船主人開竹徑招客一
听然

華館當風啓長廊匝水回跳魚明鏡閣度鳥畫屏
開檐閣將崩石階侵欲兩苔承平饒物力結構信

雄哉

幾歲供營壘歸來費掃除燕泥霑地錦蠹粉落楹
書臺圯摸金後松凋繫馬餘八方猶畫角愁殺好
園居

謝傳偏憐女班姬早解詩墨牀歌翡翠畫筆惹燕
脂賈島甯堪佛平原莫繡絲祇應施步障容我醉

支頤

主人女以子
從余問詩畫

怪石攢雲竒峯拔地長匠心聞昔日妙手自清
湘雪瀑龍湫擬危闌鳥道妨古情吾與爾相對共

蒼

園東石山相傳
大滌子兩手疊

拓地疑無外，關門別有天。即聞征里布，未易穩雲泉。
四海風飈急，孤筇去住便。隨宜爽鳩樂，相促進觥船。

徐曦伯先生輓詩

九十猶來教先生，志已勤髮能完故園。屐及倒先君萬卷牛堪汗，孤懷鶴不羣。諸公存尚德，相藉重玄纁。

著述期衷聖，荀楊今則無。終能歐心血，豈屑染髭鬚。病託僧房卧，身隨竹杖孤。古賢皆朽骨，不必哭窮途。

立春日得石公書道北歸携拙詩就正於燕中諸
老

未必燕者舊能知魯兩生耽吟生小慣變雅此時
成鵲報歸人喜花迎故國晴楚魂無賴極試為起
春聲

偶興

萋萋紅情暮芭蕉綠意沈暑雲交變幻伏雨半晴
陰高閣三休遠朱闌一往深馬卿驚渴甚作賦莫
彈琴

偕龍淵林涵冶春看菊

芳草秋知歇陰苔晚更驕蟬隨人意噤雁帶殺聲
高物色歸愁眼生年付濁醪落英容救餓天故惜
吾曹

秋好戰猶急花繁人更貧強為平日意相對暫時
身茶舍竈無火船娃襪有塵今朝休警角權慰老
夫神

題董逸滄明湖秋泛圖次其自題韻

湖山開卷笑相迎曾記兒時縱櫂行弱柳只今堪
繫馬廢池應亦厭言兵鵲華雙髻雲中落烏榜孤
蓬物外清遲我卅年君後到恒河一照共心驚

九日北城外遊

行歎聊應勝坐愁步隨斜日到林立
朱荷蓋折猶障水金桂香疏苦報秋
草樹回看疑夢境茶瓜無語
滕孤遊詠歸留得登高意未少殘尊慰白頭

次尹石公觀故宮古物詩韻

藏室蓬山闕太清忽供萬目縱經行
銅仙淚裏秋風客家令筵前故國情
漸恐阿房還作賦況聞魯柝不停聲
鄙夫未覩荆和貴擬藉君詩返趙城
感事同石公渥然梅先倡和韻

繡嶺離宮踞上頭驚雷一夕震神州
齊桓壇上朱

曹沫李催營中住董侯聞道幾時歸趙璧小戎終
日走梁輶武關最動騷人怨肉食羣公任遠謀
過秣家灣憶周詠臺

秣家灣畔看寒樹憶得周三在日邊能近板輿兒
孝大忽聞軍角客愁煎驕兵與賊相蜂午故園無
書付鴈傳羨殺三峯最高頂陳搏曾作九年眠

丁丑元日

雨聲潛送壑舟移寒樹春城曉色遲萬戶桃符如
舊夢十年桑海賸吾詩天機袞々人今老杯酒沈
沈意有思東閣暗香知動石來朝先起折紅枝

丁丑花朝夜大風是日遂雪記十年前亦如此
楮紅鑪伴寂寥有思無想坐相消已移雲句成
風句更揀花朝作雪朝梅試嬌紅初破頰柳矜愁
黛未舒腰十年記得春寒味一例清吟不自聊
輓石遺詩老

塞北江南沸若糜詩翁決去似前知生持寢雅離
騷柄親見明昌大定時四海倦歸山首卧羣生今
逼劍頭炊芳尊臘鼓琅邪邸一夕清歡繫夢思

金谷三十韻

金谷深桃李香閨豔綺羅閣高春易遠人近夢偏

多生紀黃羊歲嬌宜細馬馱山眉青勝黛雲髮膩
成螺類杏張霞綺脣櫻罇雪珂量腰纔束素轉眄
即流波半臂羞絺絺輕容殿錦窠臨圓綃鞵捲足
素筍鞵拖貴重金兼溢天斜柳一渦風流真絕代
牽拂得相過油壁停輕轡燕脂問舊坡玉窗飛蟻
子鏡檻喚鸚哥峽關逢神女雲開見月娥銅烏涼
轉菱珠蚌倒舒荷隔座鉤頻送遺簪法詎呵陽城
唯是笑柳下不勝和簫奏期儀鳳書成許換鵝狂
甘三爵罰醉恐五情醺蜜熟蜂心急花穠蝶舞傒
冠從整李下曲并罷蓮歌砥柱魚甯上星宮蝎怕

磨朱華曾並蒂丹荔密交柯梅嫩防牙酢橙香賸

手搓猿腸空自斷烏尾為誰訛了々尋仙路悵々

側弁哦羞慙潘岳鬢恐懼幼輿梭觀水難為海探

源莫溯河援琴期靜志禮佛藉驅魔青鳥來無日

烏龍卧若何祇應將四攝長慰病維摩

王林涵不
解銅鳥二

白余曰上句電
扇下句電鎧也

題王子堅如山申鳧盟涵光手札陳援庵以壽尹

石公者王札與曹偉偉字碩公與石公字相合

下有傳青主藏印青主又字公之佗借隱尹字

申札與戴楓仲者中道願寧人卜鄰事尹早名

炎武又與顧同也十八韻

曠世有相感至今猶耿光
山薇仰夷棘汗蘭得申
王楓閣陪鄰約霜龕識舊藏
稻梁孤鶴歎歲月兩
離長想像風流在畱遺
翰墨香把書疑對面尚友
幾回腸君固攀嵇久情同慕
蘭狂有文非在手覆
米竟成康運數三微改乾坤
百戰強古來容隱遯
今日且文章氣合肩堪比
神交道不忘龍騰豐獄
劍錦入福昌囊割贈誠無價
因緣詎可量方期應
笙磬豈但侑蓬桑人物今猶
昔交期子與叩携鱗
須共醉負笈及相將
二老傳他日幽人愧履祥城

中佳事少懷古獨蒼蒼

稻梁孤鶴兩離携鱗負笈
二老城中少佳事皆原書

中語

輓徐養之五首

一瞬光宣去未遙酒杯棋局記招邀相看白髮尋

常事便喚先朝作勝朝

梅嶺詩傳弱冠年秋風人望孝廉船一枝分得花

光筆蘊藉風流尚宛然

珥筆朝、向鳳池故都禾黍忽離、五湖那為千

金去自愛煙波逐范蠡

楊子院遷商早困懷清臺在女長飢勞公愛惜楊

州月却到珠傷蟬死時

哀輓詩篇積似鱗
三愁殺苦吟身
白頭任作著
騰醉回首黃鑪幾故人

和蔣□□見贈

影梅無夢供追憶
水繪何園寄好春
慙愧詩人相比似
暮年公子冒巢民

謝李稚甫餽桃花鵝

四顧八跪雖宜酒
蕭瑟秋心醉益加
賴得故人分
寇雉菊花杯畔見桃花

羣飛那是江鄉有
遠自北方沙漠來
念汝故鄉胡

馬塞酒邊箸下一低徊

丁寧女士贈迎春花賦謝二首

無數青條雪尚封
強隨解作共丰容
嘉名定未存
花意不是迎春是忍冬

城居無地許栽花
蕙樹蘭滋枉自誇
怕遣春風太
寒乞累伊增重老夫家

何敘甫遜拍頭寓北固山見贈賦謝何有印曰飛


將軍

飛將軍作老畫師
萬里山川俯可窺
崩崖北固一
千尺五指染成光陸離

元日寄石遺詩老書

玉梅花下安書几
元日蕭閑覽自娛
難忘吉祥文
字意
摩牋先寫壽人書

右舍光續入詩



中華民國四十五年二月臺初版

含光詩

全一冊 基本定價二元八角

(外埠酌加運費匯費)

版權所有 翻印必究

著者 陳含光

發行人 溫崇信

發行所 正中書局

印刷所 正中書局

海外總經銷 集成圖書公司

(臺灣臺北市衡陽路二十號)

(香港九龍彌敦道五八〇號E)

內政部登記證 內警臺業字第一〇四號

(3803)

臺•興



